

5752/5113c

v. 6

繡像東漢演義

已亥年

遊墨書

續像東漢演義卷六

第九十三回 忠臣一示難存體

卻說馮異治關中出入三歲上林成都異自以久在外不自相安遣人洛陽上書言思慕闕廷願親帷幄

帝不許後有人上章奏帝言異威權至重百姓歸心皆號異為威陽王帝聞奏恐異有變即將所奏之章

遣使齎入關中示異關中遺赤眉之亂民不聊生馮異一破賊一撫安黎庶士不啻塗炭之中而登春

亦坦然自如乃以章示異其視異如慈父之初高出于雲霄之上矣異見惶懼不安乃修書一封遣人詣京

拜謝書曰臣本愚生遭遇受命之會充備行伍過蒙恩私位大將爵通侯受任方面以立微功皆自

國家謀慮愚臣無所能及臣伏自思惟以詔勅戰攻每輒如意時以私心斷決未嘗不有悔國家獨見之

明久而益遠乃知性與天道不可得而聞也當兵革始起擾攘之時豪傑競逐迷惑於數臣以遭遇託身

聖明在傾危涸轍之中尚不敢過差而况天下平定上尊下卑而臣爵位所蒙巍巍不測乎誠莫以謹勅

遂自終始今見所示臣章戰慄怖懼伏念明主知臣愚性固敢因祿自陳帝覽書視畢恐其不安乃令

人下詔以慰之曰將軍之於國家義為君臣猶父子何嫌何疑而有懼意六年春月異還京師入朝覲

帝朝君禮畢帝謂公卿曰是我起兵時主簿也為吾被荆棘定關中言罷使中黃門賜以珍寶衣服錢帛

與異謂曰倉卒無重享豆粥滹沱河麥飯厚意久未能報異稽首謝曰臣聞管仲謂桓公曰願君無忘射

鉤臣無忘檻車齊國賴之臣今亦願國家無忘河北之難小臣不敢忘巾車之恩帝大喜遂與定議進兵

圖蜀留十餘日令與妻子同還西夏而去有詩為證別君征戰已三年夜夢陞朝奉聖筵今日笑蒙恩

賜返西風萬里著歸鞭

第九十四回 賢士三徵不屈名

卻說漢帝思慕嚴光自與昆陽別後未知流落何地朝夕縈繫不能息已一日登殿文武朝罷下詔徵之及處士太原周黨使者齎詔遍界覓訪不見光於何地惟周黨隨聘至京入朝參拜伏而不謁自陳願守所志不就職任博士范升奏曰伏見太原周黨東海王良山陽王成等蒙受厚恩使者二聘乃可就車及陛見帝周黨不屈伏而不謁偃蹇驕悍同時俱逝黨等文不能演義武不能死君釣采華名庶幾三公之位臣願與坐雲臺之下考試圖國之道如不臣則伏虛妄之罪而敢私竊虛名誇上求高皆大不敬備錄帝曰自古明王聖主必有不賓之士伯夷叔齊不食周粟太原周黨不受朕祿亦各有志焉若輩賜周黨緞帛四十匹罷之還鄉復思嚴光未至乃令圖畫影像曉掛各州有能尋覓者賞銀四十後齊國一人詣京上言有一男子披羊裘釣於澤中活似圖像一般近臣奏知帝王帝疑是光即召齊人至殿賞銀四十齊人頓首拜謝而去帝令安車遣使聘之三反而後至帝聞光至即駕車少迎接入外館施禮坐叙間別之罷話畢光卧不起帝即其卧以手撫光腹曰咄咄子陵不可相助為理耶光乃張目熟視曰昔唐堯著德巢父洗耳士固有志何至相迫乎帝曰子陵我竟不能下汝耶於是升輿數息而去次日復召子陵入殿叙論舊故相對數日因與共床偃卧光足加帝腹之上帝任所意並無憎惡之心待子陵可謂至矣的終不肯相助為明早太史趨殿奏曰臣昨夜觀天象見有客星犯入帝座甚急恐生不測帝聞奏笑曰朕與故人嚴子陵同衾卧耳有何礙焉太史即退而去帝召嚴光至殿謂曰朕欲拜生為諫議大夫扶佐弱寡生意若何光辭謝曰願守素志耳陛下何苦逼焉帝見光苦不從乃賜黃金百兩緞疋五車送出還鄉光曰臣以貧士居處要此何用毫末不受遂與拜別去耕釣于富春山中壽八十終於家後人名其釣處曰嚴陵灘有詩為證 世祖懷憂切訪賓安車三召駕蒲輪從容畫問名難屈甯作荒臺舊釣人

第九十五回

為國運籌嘗數讓

走者踐屍踏足傷者棄甲丟槍隗囂見戰兵不利急令小卒鳴金收軍走入閉城不出帝亦收軍下寨

總評 此一段詔書俱出史漢故燁燁可觀

第九十六回 拯危決策將俱降

次日漢帝陞帳名諸將議論恐長安有失令征虜將軍祭遵與大司馬吳漢分兵二萬鎮守長安二人領旨拜別上馬前行數日乃至入城衙次日陞堂二人坐叙遵謂漢曰囂必敗滅其將牛邯與吾舊交今見囂勢不利有歸義漢家之意吾欲遣使書諭說歸服可行否乎漢曰既有是意宜即歸之遵遂修書一紙遣人往下 書曰 遵與囂王耿盟為漢自經歷虎口踐履死地已數十矣於時周洛以西無所統一故為王策欲東收關中北取上郡進以奉天人之用退以懲外夷之亂數年之間冀聖漢復存當契河隴奉舊都以歸本朝生民以來臣民之勢未有便於此時者而之將吏羣居穴處之徒人人一掌欲為不善之計遂與孺卿日夜所爭害幾及身者豈一事哉前計抑絕後策不從所以吟嘯持腕垂涕登車幸蒙封拜得延論議每及西州之事未嘗敢忘孺卿之言今車駕大衆已在道路吳耿驍將雲集四境而孺卿以奔離之卒拒要持當軍衝視其形勢何如哉夫智者觀危思變賢者泥而不滓是以功名絡申策畫復得故夷吾束縛而相齊鯨布仗劍以歸漢去愚就義功名並著今孺卿當成敗之際思嚴兵之鋒可為怖慄宜斷之以胸參之有識大漢征虜將軍祭遵謹書 邯得書沈吟十餘日乃謝士衆歸命降漢降一紙而餘萬眾伏駕請降卻說隗囂屢與漢戰不利閉門飲座日夜憂悶忽人報曰牛邯等一十三將與縣官吏會議降漢去矣大王若何囂聞大驚說得心寒膽落魄散魂飛自思無計可奈急令安車先將妻子送出西城楊廣處去令田弇李育保守上却王元往蜀借兵各遵去訖卻說漢帝下詔諭囂曰若能束手自詣

拜降則父子相見保無他也昔高皇帝云橫來大者為王小者為侯若遂欲為黔布者亦自任也豈終不降近臣奏知帝帝大怒令將其子隗恂推出斬首眾將得令簇出棘門斬訖帝曰此賊不可久停宜速進兵即令征南將軍岑彭分兵五萬圍擊西城再令耿弇蓋延引軍五萬圍擊上邽再勅岑彭等書曰兩城若下便可進兵南擊蜀虜人若不知足既平隴復望蜀每一發兵頭鬚為白眾將遵命帝駕東歸而去卻說岑彭兵至西城圍守一月楊廣死於其內而隗囂窮困望救兵未至甚切憂悶其大將王捷別在成丘自思無計退兵乃登城謂漢軍曰為隗王謹守城池者皆必自死而無二心願諸軍急罷不勞困守吾等請以自殺以明節義言罷拔劍自刎而死岑彭歎曰此烈士也再傳令軍中固定城池囂必困敗眾軍皆諾言未訖忽聞囂將王元於蜀處求借救兵五千餘人令卒鼓譟大呼曰百萬眾兵來至漢軍大驚岑彭勒馬於高處觀望見王元當頭與數名戰將飛馬而來彭即解兵截住搦戰兩軍相對王元出馬高聲叫曰岑彭小將尚不知死還敢引軍對陣今吾百萬之兵千員勇將汝縱插翅飛天亦難逃此陣早省拜降免遭擒斬岑彭聽言大怒罵曰穴居鼠寇敢出大言汝雖有百萬之兵吾亦不懼吾曾昆陽足馬單刀殺蘇伯可片甲無存一鼓而取其城今逢小敵豈足為懼言罷令卒擂鼓兩軍相交約戰十合王元抵敵不住敗陣回走岑彭趕上周宗出馬截住共戰三合岑彭展起金標望宗背後一打落于馬下王元行巡急出挺住恂字扶宗上馬回入本陣囂驚知喊殺震聞天地急登城望見是王元救兵來至今卒開門高叫王元罷戰且入城來王元聞叫鳴金收軍走入城中與囂議曰岑彭世之勇將難以對敵且此糧草又盡不可虛守莫若夜開北門從東走入冀城再作區處囂從言遂令軍卒飽食至夜二更各披盔甲上馬潛出北門行未半里小軍走報岑彭彭急引軍後趕追至冀城囂軍走入城去岑彭分兵圍住守經半月岑彭食盡放火燒其輜重引兵下隴於是安定北地天水隴西復反助囂囂病且餓無食出城備糧

憤急而死王元周宗等收囂安葬遂立其少子隗純為王有詩為證

囂將空謀望斗臺秋風隴下久徘徊

長星不為奸雄伴夜半流光落九垓

總評 王捷等人儘自凜烈惜事非其主故死亦泯泯耳

第九十七回 賊思君義誠傾服

九月車駕還宮帝於後殿悶坐自思潁川等處賊盜竄起騷動京師心甚恐懼一日登殿文武朝罷帝召執金吾寇恂謂曰今潁川盜賊羣起虜掠生民兼且迫近京師當以時定惟獨卿能平之朕欲託卿復出與國分憂可乎恂曰潁川聞陛下出戰隴蜀故狂狡之徒乘間相語而亂今若再聞陛下南向賊心惶怖歸死陛下可親出討臣願出銳前驅方全萬勝帝曰卿言是也遂令寇恂勒兵千萬御駕南征眾將得令各披重盔輕甲硬弩長槍一齊擁護車駕而出旌旗雲擁山岳動搖凡經過州縣官吏各持羊酒珍味迎接既至羣賊爭相迎降帝大喜並不傷害一命乃曰汝等因無食用纜起是心言罷每人賜銀十兩令各歸農業眾皆歡悅誠服

如此寬仁大度那

叩頭謝恩而出乃相私語曰漢帝誠有養民之心寬仁之度吾

等本該死罪反賜金銀並無計較吾等何能報乎言罷各散而去帝令恂為潁川太守撫恤良民寇恂不

拜百姓遮道疏伏駕前告曰願從陛下復借寇君一年以清黎庶帝聞嘆曰寇恂誠然天理仁及萬民乃

留恂鎮撫受納餘降卻說東郡濟陰盜賊亦起帝聞急召大司徒李通橫野將軍王常至帳下謂曰今潁

川已定奈東郡盜賊復起朕欲托二將軍往伐救拔生民將軍何如二將答曰臣等雖無才識願死當鋒

以報陛下厚恩帝大喜即分麾下精兵五萬與二將往擊二將拜別上馬引兵而去帝復思耿純曾為東

郡太守威名著於衛地遠近皆知若得此將一往不征可服遂遣使持節拜純為太中大夫使純起兵合

會李通王常等共擊東郡使者至鄴入見耿純具說所事耿純大喜令使回報即發大兵五萬上馬而往

東郡聞郡入界賊盜皆震各相謂曰耿純將軍威振天下聲震京都原為此郡太守以德化民所以人人皆服四海瞻慕吾等莫若迎上請降則為上計盜賊自有良心守土者眾皆大喜言此計甚妙是日會聚九千餘人當道拜伏告曰小的眾人自昏作孽罪有萬死望將軍仁恩寬宥從今以後再不敢為非純曰吾豈喜欲是哉但汝等不守生業故此橫為以致干戈騷擾民庶遺殃今肯誠心罷服吾意其悅自此為戒各以苦力營身一則顯祖宗之光二則揚親戚之美雖不上達亦無遺污於子孫矣言罷令各散歸眾皆大喜叩首謝恩而退於是東郡賊兵不攻自服震境班師帝接大喜仍以純為東郡太守吏民悅服李通等擁駕回京而去

第九十八回 帝泣臣忠厚殮封

卻說漢帝還朝次日陞殿與眾文武議曰隗囂已死奈其子繼為王將何如耶李通答曰大事去矣何懼小哉言未訖一人趨殿奏曰征虜大將軍祭遵於隴下疾篤死於大軍中今喪至河南縣陛下可發兵接之帝聞所奏頓使魂飛氣絕倒下龍床眾臣急救多時方醒乃放聲大哭曰此將為吾披堅執銳敢死當鋒未嘗辭其勞也今不幸而疾逝軍中安得憂國奉公如祭征虜者乎頓足捶胸嗟呀不已李通奏曰祭遵終世天數然也陛下為苦勸捐梓顏龍令其喪至河南陛下何傳勅殯以表君臣之義帝傳旨令百官皆披素衣出接帝親披素車白馬迎出郭外望其喪近哭哀甚切還至城門觀者皆為流涕帝下詔停於午門外殿再令河南尹護其喪事次日漢帝陞殿召眾文武論議喪事忽翰林博士范升上疏追稱祭遵疏曰臣聞先生崇政遵美屏惡皆高祖大聖深見遠慮班爵割地與下分功著錄勳臣頌其德美生則寵以殊禮奏事不名入門不趨死則疇其爵邑世無絕嗣丹書鉄券傳於無窮斯誠大漢厚下安人長久之流所以累世十餘歷載數百廢而復興絕而復續者也陛下以至德受命先明漢道褒序輔佐封賞

功臣同符祖宗征虜將軍穎陽侯遵不幸早薨陛下仁恩為之感傷遠迎河南側怛之動形於聖躬喪事用度仰給縣官重賜妻子不可勝數送死有以加生厚亡有以過存矯俗厲化卓如日月古者臣疾君視臣卒君吊德之厚者也陵遲已來久矣及至陛下復興斯禮辱下感動莫不自勵臣竊見遵修行積善竭忠於國北平漁陽西拒隴蜀先登抵上深取洛陽眾兵既退獨守衝難制御士心不越法度所在吏人不知有軍清名聞於海內廉白著於當世所得賞賜輒盡與吏士身無奇衣家無私財同產兄子以遵無子娶妾送之遵乃使人逆而不受自以身任於國不敢圖生慮繼嗣之計臨死遺誠牛車載喪薄酒洛陽問家事終無所言任重道遠死而後已遵為將軍取士皆用儒術對酒設樂必雅歌投壺又建為孔子立後奏置五經大夫雖在軍旅不忘俎豆可謂好禮悅樂守死善道者也禮生有爵死有謚爵以殊尊卑謚以明善惡臣愚以為宜因遵薨論叙眾功詳案謚法以禮成之顯章國家篤古之制為後嗣法臣翰林博士范升頓首誠惶百拜謹奉表上聞此疏堪作征虜墓誌銘帝覽表讀罷愈加哀悼若天喪己不能自息乃將升奏之表以示公卿即日至葬帝駕素車親披孝服文武軍士俱令衣白帷護喪中謚曰成侯既葬車駕復臨其墳吊奠見遵夫人哀泣帝甚悲傷有詩為證如何宵起夢徧長庭樹生寒風滿堂落月屋梁情似海此生無分識遵郎

第九十九回 馮異兵臨天水破

卻說囂死其將王元周宗等復立子純為王徙居鴈門帝召征西將軍馮異往伐異即引軍五萬上馬徑往前望西行進發數日方至令人報知吳漢杜貌來歙王霸等合兵共進四將聞報急出迎接禮畢即起軍行共合二十餘萬至天水分兵開陣令小卒叫純搦戰純知恐懼即召大將王元計議元曰大王勿慮安坐城中小臣等願死當先斬首來獻言罷飛身上馬與趙恢周宗行巡苗宇等勒兵十萬分作兩門而

出王元周宗行巡引軍五萬先從南門出戰令趙恢首字分兵五萬從後西門剿殺言訖各依計行王元等出城與漢兵對陣馮異出馬謂元曰鼠賊尚不知死隗囂于謀萬計未能成就憤氣死於軍中今汝一微塵耳豈足為望元曰鵲在深林而笑孤鳳吾先王雖喪後主猶勝天下國家世承相繼豈能長於漢哉汝今早降罷漢不失功名之望倘若抗頑分尸碎首馮異大怒掠刀躍馬直取王元二人交馬約戰數合王元抵敵不住走回本陣馮異躍馬趕上周宗行巡飛出截住兩下夾攻王霸望見忙衝入陣撞遇周宗共戰十合周宗敗走王元舉旗一招趙恢首字從西殺入吳漢見其兵助急催杜貌來敵一齊躍馬而出兩邊混戰喊殺連天隗兵大敗趙恢欲撞陣走被杜貌當胸一箭射落馬下首字望見飛躍走近挾上馬去王元見勢不利忙急鳴金收軍入城而去馮異分兵四面圍住卻說公孫述知純危迫急遣大將趙匡引軍五萬來救至城已近趙匡先令一將報知城內出兵應接其將領命躍馬飛行見西門無軍把守走至城下叫卒開門言西蜀起兵來救把守吏卒未知真假不敢妄開忙入府內報王元元自登城問曰汝既蜀兵有書來否答曰有遂將來書帶於箭上射入城去王元接見果然叫謂曰吾准會應其將遂別而去正欲出走被漢巡軍趕上拿住即送馮異帳下異問曰汝何將士敢來打聽消息以實告說免受重刑其將答曰公孫述知將軍圍城特遣趙匡引軍五萬來救故令小人報知王元小人罪該萬死乞將軍姑恕願隨將軍提挈鞭撻異聞笑曰子陽痴心虛謀想大言罷令將監侯曉諭眾軍嚴兵待戰忽人報曰蜀兵來至馮異收軍分作五隊而入兩軍相遇趙匡出馬頭頂鳳尾盔身穿青鎖甲手執大桿刀坐下紅鬃馬立于陣前大叫漢軍搦戰馮異出馬謂曰吾征隴右與汝無干今故速兵來至欲討死乎趙匡罵曰匹夫村寇不禁三合敢出大言若拿到手紛屍碎骨馮異大怒令卒擂鼓展開陣勢躍馬相交共持十合趙匡氣力不禁忙回敗走馮異趕上趙匡撥馬又戰三合被馮異一刀砍為兩段王元登城望見急放軍出兩下

協攻吳漢杜貌王霸來敵見其兵助四路一齊進發掩兵混戰塵土遮天王元大敗殺得屍橫山積血漲河流溝壑傷軍聲號地震隗純見勢危敗急自鳴金收軍入守馮異收軍四面圍住王元走入城中點收兵數傷折大半隗純甚是憂切周宗進謂純曰大王休罪容臣所告純曰將軍何事宗曰漢將部下人馬精強先王屢與爭鋒未能取勝今大王兵微將寡上陣者少豈能敵勝彼哉臣聞劉秀寬仁待士卑禮迎賢大王莫若獻降保全金體一則功名不失二則民士得安大王若何純曰吾父累與交兵恐懷舊恨何如宗曰岑彭先事王莽除授宛城太守劉秀起兵與彭交鋒半載殺秀軍士不可勝言後彭拜降反得加封重用並無憎恨之心大王放心休慮臣保萬全此好贊下隗純許之宗遂登城謂漢將曰吾主隗純今願獻城納降將軍肯休容否馮異答曰若肯歸義漢家保封原職宗曰恐帝心懷舊恨將軍若何異曰若有差池是吾之過叫彼放心無疑保全重用宗遂回報具說所事隗純大喜王元知殺入蜀中而去十年冬月令卒獻開東門自引大軍出接跪伏道傍告曰小將有萬罪之愆百千之過乞將軍憐宥孤獨泉下不忘大恩馮異下馬驚起謂曰公子今能歸義名節永垂豈有懷舊恨哉言罷同入城衙安撫百姓十一年春月異攻洛門平服病發薨於軍中勅賜葬於洛陽謚曰節侯長子彰嗣帝思異功復封幼子訢為祈鄉侯

第一百回 岑彭師震蜀川驚

卻說公孫述遣大將任滿田戎程汎等引數萬人乘舫排下江關擊破夷陵夷道因據荆門漢征南將軍岑彭發兵拒敵屢戰不克帝知道大司馬吳漢發荆州兵助彭夾擊吳漢即起大軍十萬上馬前行數日方至共合二十餘萬彭遂傳令軍中令裝戰船千隻各載火炮於內逆流而上眾將整齊備報知岑彭彭與吳漢分兵上船直衝浮橋而進田戎等知亦架小舟五百餘隻擺陣對敵兩軍相遇岑彭吳漢各立

船頭之上田戎叫曰小將降否彭彭罵曰龍右如山之勢一掃平除汝乃一微煙耳豈騰大談言罷催槽
 亟進衝船混戰是時天風狂急彭令軍各放火砲風怒火衝彭漢順風並進蜀兵大亂火燒溺水死者無
 數任滿令軍搖船欲泊東走吳漢兜弓趕上望滿腦後一箭鎖入咽喉溺水而死程況亦走岑彭截住生
 擒斬首田戎走保江州而去岑彭吳漢率賊宮劉歆等一齊上岸長驅入下江關傳令軍中無得虜掠民
 財第一所過地方百姓皆奉羊酒迎勞彭謂諸耆老曰大漢皇帝哀憐巴蜀人民久遭軍掠故興師遠伐
 為人除害豈傷汝等財哉毫末不受百姓皆大喜爭開門降彭遂安撫城中士庶即下江州見田戎食
 多城固一時難取乃留部將馮駿分兵五萬守之自引兵乘利進攻平曲卻說中即將來歙與蓋延馬成
 等進攻迷迷將王元環安趕至河地下大破之乘勝再進蜀人大懼公孫述一日陞帳召諸將議曰漢兵
 勢大人人驍勇州縣悉被攻破如之奈何眾將默然無計忽帳下一小卒名曰烏躡進曰大王勿慮小人
 現有一計可殺漢將來歙即魏延醉無謹述曰汝有何計躡曰人學為刺客夜藏短刀潛入帳下刺
 殺來歙則蓋延易破矣述大喜曰我兒若能建功封賞不輕烏躡遂同而往至其帳前以身藏於榻下待
 夜三更聽得來歙睡濃潛步扯刀望歙肚上一刺飛奔出營而去來歙痛覺刀刺入肚不能拔出乃叫蓋
 延至延見歙傷放聲哀哭不能仰視歙張目叱延曰虎牙何得此耶吾中刺客所傷無以報國故呼將軍
 囑託軍事而反效兒女子涕泣乎刀雖在身還欲勒兵破賊以復仇恨何足懼哉延強收淚以聽所誠歙
 奮然起榻修表申聞 表曰 臣歙夜宿軍中更闌靜後為賊人潛刺傷中臣身臣不自惜誠恨奉職不
 稱以為朝廷羞夫理國以得賢為本大中大夫段襄骨鯁可任願陛下裁察又臣兄弟不肖終恐獲罪陛
 下哀憐數賜教督 表未至終投筆抽刀而絕蓋延哀悼甚切不自止已見歙所修之表雖未完就亦將
 封下遣人先報朝廷以表其意後令王良護送喪還使者領命飛奔至京入朝見帝呈上歙表帝覽畢大

卻說馬援數以書記責備于竇憲反怨援背已得書增怒遂發兵拒漢援乃遣人詣京上疏陳己之哀
 疏曰 臣援自念歸身聖朝奉事陛下本無公輔一言之薦左右為容之助臣不自陳陛下何因聞之夫
 居前不能令人輕居後不能令人軒與人怨不能為人患臣所恥也故敢觸冒罪忌昧死陳誠臣與隗囂
 本實交友初置遣臣東謂臣曰本欲為漢願足下往觀之於汝意可即專心矣及臣還反報以赤心實欲
 導之於善非敢諷以非義而囂自挾奸以盜憎主人怨毒之情遂歸於臣臣欲不言則無以上聞願得詣
 行在所極陳願進愚策則退就隴畝死無所恨臣馬援誠惶誠恐頓首百拜奉表上聞 帝覽表讀罷嘆
 曰馬生誠心於我豈可以二待乎遂遣使召援入國議事援即隨首赴京馬卿既至入朝見帝
 揚塵禮畢帝曰奈今隴蜀未清干戈騷擾故召將軍詣闕共決機籌願將軍明以教我撫鎮邊疆救生民
 之塗炭免士卒之苦勞援曰陛下勿憂隴右隗囂先以子侍陛下 雖欲相反持疑二心臣請再往說之如
 其不然以兵伐之有何難哉帝聞大喜遂將突騎五千使援往說馬援即別上馬而往回至府中令人齎
 書與隗囂之將楊廣使其曉勸於囂 書曰 春卿無恙前別冀南寂無音驛援聞還長安因留上林籓
 見四海已定兆民同情而季孟閉拒背叛為天下表的常懼海內切齒思相屠裂故遣書懇懇以致惻隱
 之計乃聞季孟歸罪於援而納王元諂邪之說自謂函谷以西舉足可定以今而觀竟何如邪援問至何
 內過存伯春見其奴吉從西方還說伯春小弟仲舒望見吉欲問伯春無他否竟不能言朝夕號泣婉轉
 塵中又說其家悲愁之狀不可言也夫怨仇可刺不可毀援聞之不自知其下也援素知季孟孝愛曾聞
 不過夫孝於其親豈不慈於其子可有子抱三木而跳梁妄作自同分羹之事乎季孟生自言所以擁
 兵眾者欲以保全父母之國而完墳墓也動以淫囂又言苟厚士大夫而已而令欲全者將破亡之所欲
 完者將毀傷之所欲厚者將反薄之季孟嘗折愧于陽而不受其爵今更共陸陸欲往附之將難為顏乎

復責以重賞當安從得子主給是故往時子揚獨欲以王相待而奉卿拒之今者歸老更欲低頭與小兒曹共槽櫪而食並肩側身於怨家之朝乎男兒溺死何傷而拘游哉今國家待春卿意深宜使牛孺卿與諸耆老豪傑共說季孟計畫不從直可引領去矣前披地輿圖見天下郡國百有六所奈何欲以區區二邦以當諸夏百有四乎春卿事季孟外有君臣之義內有朋友之道言君臣邪固當諫諍語朋友邪應有切直豈有知其無誠而但姜腴咋舌又手從族乎及今成計殊尚善也過是欲少味矣且來君叔天下信士朝廷重之其意依依常獨為西州言援商朝廷必不負約援不得久留慮急賜報 楊廣覽書沈吟半响乃曰此生何惑人耶竟不回答卻說竇融以書責竇不納乃與五郡太守共厲兵馬整給軍糧及槍刀弓箭盔甲等件悉以齊備乃遣人詣京上疏奏帝請兵約期擊竇帝深美之乃遣使賜融以外屬之圖及太史公五宗外戚世家魏其侯外傳等書 詔書 朕每念外屬孝景皇帝出自竇氏王景帝之子朕之所相昔魏其一言繼統以正長君少君尊奉師傳修成淑德施及子孫此皇太后神靈上天佑漢也從天水來者寫將軍所讓隗囂之書痛入骨髓叛臣見之當服慄慄忠臣則鼻酸涕涕義士則曠若發矇非忠孝慈誠孰能如此豈其德薄者所能克堪竇自知失河西之助族禍將及欲設間離之說亂惑其心轉相解構以成其奸又京師百僚不曉國家及將軍本意多能採取虛偽誇誕妄談令忠孝失望傳言乖實毀譽之來皆不徒然不可不思今關東盜賊已定大兵悉於西將軍其抗厲威武以應斯會故茲詔諭想悉宣知 竇融接詔拜拜即與諸郡太守議曰更始時金城太守被封何所殺而據其郡隗囂遣使多以金帛和連與共結盟奈此賊朝夕練將曉夜屯糧御駕若至彼必助囂同擊莫若乘其未備吾等先進圖之竇融此舉先使後上臨囂兵孤弱不能取勝方可破也眾皆答曰將軍所見甚明即依計行言未訖忽人報曰金城封何來擊吾郡已在十里山坡布紫營寨將軍何以治之融聞大驚急令諸將披掛親引大

軍五萬出坡迎擊行至十里坡兩軍相遇封何出馬頭頂白銀盔身披鎧甲坐下黑色馬手執雁翎刀立於陣前大叫小軍搦戰竇融青馬謂何曰吾主劉秀趙道姓善任賢能將軍文武兼備智度過人若歸扶漢室保為重用不枉將軍英雄而屈於賊寇之下將軍如不愿從則功名兩失而留污名於萬世矣將軍何如何曰人生天地間要在立節豈不聞古人有云士窮立節義世亂識忠臣與隗囂共盟永約汝主劉秀雖係漢室宗枝乃是妖人崛起吾起背約而從冠子融曰古之賢臣皆擇主佐昔商紂不仁諸侯多叛文武修德親聘太公起兵孟津諸侯不期而會者八百今吾主順天行道伐暴吊民王莽百萬之兵片時掃除天下三分已得二矣今將軍隗囂據竊龍右與漢爭鋒汝縱有拿雲之手冲天之志則不過於王莽將軍早思回頭更有褒封可合何寒心一且揚清於後二則遺計子孫將軍不聽難出融手融兵十萬戰將千員已布四十里之地陣如鐵束將軍雖有萬夫不當之勇難出此敵愿將軍思之封何不聽橫刀躍馬望融趕殺融急催軍對陣眾將飛奔出馬一齊掩殺金鼓齊鳴喊聲震地兩邊混戰士馬相衝何軍大敗丟旗墮鼓棄甲曳兵封何撞出陣走前路伏兵截住欲回後走竇融諸將趕上來攻一陣大破之斬首千餘級得其牛馬千頭穀粟萬斛封何逃入隴右而去於是竇融威武揚震西河有詩為證 竇融一戰立元勳威震河西四海聞須信儒臣胸富甲筆鋒輕舉抑千軍今自儒臣大不然惟時大兵未進融乃引軍還城伺候車駕卻說囂將梁統知融會駕西征乃使人夜入帳下刺殺張玄與囂絕約所假將軍申綬起軍應漢又酒泉太守甘鳳思弟嬰原被隗囂昔日所害乘漢兵起乃殺屬國侯王徽與弟報仇而去竇融知遂承制拜曾為武鋒將軍共合大軍十萬令眾將飽食上馬即行至姑臧今涼州囂兵已退融遂回軍恐囂勢大久守不出令人上書促駕急進 書曰 隗囂聞車駕當西臣融東下士眾騷動計且不戰器將高峻之屬皆欲逢迎大軍後聞丘罷峻等復疑囂揚言東方有變西州豪傑遂復附從囂又引公

孫述將令守突門臣融孤弱介在其間雖承威靈宜速救助國家當其前臣融促其後緩急迭用首尾相資器勢排進不得進退此必破也若兵不早進久生持疑則外長寇仇內示困弱復今讒邪得有因緣臣竊憂之惟陛下哀憐納愚衷曲臣竇融頓首百拜謹奉書上 帝覽書其喜令使回報壬辰八年夏月御駕親征隴右以大司馬吳漢為元帥征南大將軍岑彭為副帥虎牙大將軍蓋延建威大將軍耿弇為左右護駕帥捕虜將軍馬武為先鋒點起大軍百萬戰將千員砲響一齊齊擁駕而出帝傳旨軍中不許騷擾良民第一如違者即斬東將應諾前行旌旗蔽日塵土遮天騎兵步卒千里不絕忽光祿勳郭憲急趨駕前諫曰東方初定車駕未可征遠奈西地險阻山谷崎嶇且其兵將久練憤熟吾等軍卒生疏恐有一失難相救護願陛下納臣愚見帝不聽所言促車前進憲乃當車拔刀以斷軸刺帝亦不從西行至漆諸將多有進告言王師之重不宜遠入險阻帝猶豫未決令召馬援問之援即隨名夜至帝見大喜共坐帳下且將所事質問援曰臣因說器將見有土崩之勢兵精有必破之狀臣是以積米如山以待君至細將其地形指示眾軍所從何路出入昭然可曉帝聞言乃曰虜在吾目中矣次日進軍令吳漢等分兵兩隊並道而入至隴右城下布列陣勢大叫器將擗戰器知急令大將王捷點兵十萬各披盔甲上馬出城迎敵兩軍相對眾將設車出陣帝親打話謂器曰朕自白水起義蒙天下豪傑歸護均以兄弟相待未有薄於彼而厚於此後舉大軍進擊王莽至武關亦蒙汝與子陽約期接應朕雖嗣職未嘗有負汝之意今何自據隴右與朕爭耶器聞帝言低首無答吳漢出馬大罵賊賊無福受祿故自作孽今見主上親至尚不低首請罪立時拿住碎首分屍言罷激若雷怒踢身飛出兩馬相交戰不三合隗囂敗走吳漢趕上王捷當住亦無三合忙回陣走隗囂見敗急催一十二員大將出陣助殺眾將得令飛馬而出帝見器兵助陣亦令副帥岑彭先鋒馬武及護駕耿弇蓋延等眾將四圍掩殺金鼓震天征虜敵日囂軍大混仗墮墮坑

驚涕泣不已軍報喪還洛陽帝親披孝表車白馬傳使勅葬謚曰節侯子哀嗣帝思來敵忠節復封其弟田為宜西侯卻說岑彭攻破平曲收其穀粟數十萬石公孫述知恐懼勢大盡入其手急使大將延岑呂鮪王元及弟公孫恢發兵十萬拒廣及資中又遣侯丹率兵二萬守拒黃石彭知使護軍楊翁與臧宮分兵十萬往拒延岑等自引大軍十萬襲擊侯丹兵至黃石兩軍相對侯丹出馬岑彭不與答話提刀直取二人交馬約戰十合侯丹敗走岑彭趕上大喝一聲斬於馬下眾將俱各走散彭遂收軍晨夜倍道兼行二百餘里徑拔武陽及使精騎馳擊廣都去成都十里勢若風雨所至皆奔逃散初述聞漢兵在平曲故遣大兵逆之及彭至武陽述出延岑軍後蜀地震駭述大驚以杖擊地曰是何神也時彭所立營寨之地名曰彭亡岑彭聞而惡之欲改其名至日暮蜀將環安刺客詐為亡奴降彭彭遂納之至夜二更亡奴身藏短劍潛入岑彭帳下聽其睡熟遂拔劍脇下一刺岑彭痛醒喊叫一聲而薨眾將知覺急起拿住亡奴斬為八段有詩為證 如山號令想英雄志掃羶腥屢建功何事身罹奸計害令人景仰嘆西風

總評 不死於戰陣而死於刺客之手死更亂可憐 地名曰彭亡其識亦奇

第一百一回 吳軍克戰平巴蜀

卻說吳漢與公孫述之將魏黨戰於魚涪津大破之復進武陽圍城攻襲述遣子公孫楮與大將史興引兵五千來救吳漢知解兵迎敵兩邊擺開陣勢史興出馬大叫漢將答話吳漢出馬謂曰小將來送死乎興曰吾奉公孫救令特來擒汝早下馬拜降庶留殘命吳漢大怒輪刀躍馬直取史興二將交鋒約戰十餘合吳漢輪起重刀望興腦後一砍連人帶馬削為兩半公孫楮見勢不利引軍回走而去漢盡獲其輜重不可勝數復進大軍攻擊廣都大破拔之遣卒放火燒毀成都市橋於是武陽東諸小城爭相迎降漢又欲攻成都帝知遣人戒曰成都十餘萬眾不可輕敵但堅據廣都待其來攻勿與爭鋒若不敢來將軍

轉營迫之須其力疲乃可擊也吳漢不聽乘利勒兵十萬進逼成都離城十里阻江北布起營寨造浮橋使副將武威將軍劉尚分兵二萬屯於江南相去二十餘里帝聞大驚此一段也吳漢違制幾至大敗因敗揆策即能奏績君臣急遣使讓漢曰前救將軍據守今又千條萬端事勃亂是何意也即輕敵深入如此固宜天下無難定都急遣使讓漢曰前救將軍據守今又千條萬端事勃亂是何意也即輕敵深入又與劉尚別立營寨事有緩急不復相及賊若出兵暗擊將軍以大衆攻尚尚破將軍亦敗幸勿他往急引兵還廣都為上詔書未到迷果使大將謝豐袁吉引兵十萬分為二十餘營併出攻漢又使弟攝引萬餘軍偷劫尚寨令不得相救卻說吳漢聞知迷兵至急引衆將分作兩隊出敵大戰一日斬首萬餘吳敗陣回走入壁豐等趕上分兵圍之漢乃召諸將厲之曰吾與汝等踰越險阻轉戰千里志所在於斬獲遂深敵地至其城下而令與劉尚二處受圍勢既不接其禍難量吾欲潛師就尚於江南合兵共禦汝等若能同心一力當鋒決戰大功可立如其不然敗必無餘成敗之機在此一舉諸將聞言皆曰以死出力漢遂飽士厲馬閉營三日不出令卒多樹旗幡使煙火不絕至夜二更各披盔甲上馬潛步出寨與尚合兵而去豐等不覺次日吳漢分兵五萬與劉尚攻江北自引大軍攻擊豐等兩將相遇謝豐出馬謂漢曰認得謝將軍手段否漢聞笑曰小將暗偷一陣亦自誇口言罷輪刀擺陣金鼓齊鳴二將交馬約戰十合謝豐敗陣回走吳漢趕殺袁吉出馬當住共戰十合吉亦敗走吳漢躍馬趕上大喝一聲斬之於馬下謝豐見勢不利引兵急走吳漢張弓搭箭飛馬追趕將近望豐項下一箭墜地而死吳漢自早交兵至晚纔罷獲其盔甲無數斬首五千餘級自引兵還廣都留尚拒迷自是漢與迷將戰於廣都成都之間八戰八克有詩為証 文武全才冠世雄中興諸將孰能同揮戈指日回天下八戰成都八克功 一日公孫述陞帳問延岑曰自與漢將交鋒屢未能勝今又據守成都事當奈何岑曰男兒當死中求生豈可坐守窮乎財物易聚耳不宜有愛迷曰然也遂依其言將金帛散賞軍士至此歸散金帛亦何及今五千入馬跟護延岑往市

橋伐木虛架浮梁令卒鳴金擊鼓引漢對陣迷自潛出精兵刺殺其後言罷各遵命去卻說吳漢見岑兵少即引大軍出敵兩軍相對延岑出馬吳漢不與打話提刀直取二將交鋒約戰十合延岑詐敗引至橋邊迷兵隨後攻襲吳漢奮力追殺趕至橋上不覺虛架橋梁墜水淹沒吳漢急以手援馬尾得出上岸遂引殘兵還入廣都而去十一月臧宮軍至咸門人報知迷迷視占書云虜死城下乃大喜曰吳漢在吾手矣自引大軍數萬攻擊吳漢使延岑分兵五萬拒擗臧宮各遵去詔卻說臧宮知岑兵至急令衆將布列陣勢待臨擗戰延岑軍至亦不打話躍馬交鋒兩邊混戰岑三合三勝自旦及日中軍士不得食悉皆疲困吳漢乘勢急使護軍高午唐邯中分銳卒數萬突軍衝擊迷兵大亂高午挺槍躍馬飛入陣中刺迷洞胸墮於馬下延岑飛馬奔近赦入城中而去吳漢分兵圍住延岑扶迷臥於榻上痛不能止至夜二更乃名延岑至帳下囑之曰吾自起軍已蜀未嘗一折今不幸遭於小將等刺一槍命隳旦夕奈子維幼不能伸恨故託將軍扶祐望將軍憐念舊情莫忘今日若子可護則設之如不可護將軍取之莫令豪傑共笑而落於他人之後矣言罷情絕而死次日天曉岑與諸將議曰今公孫述已死吾等莫費心機勞苦士卒不如獻降為上衆將皆諾岑遂登城謂漢曰昨晚公孫述死吾等願獻歸降將軍肯容納否漢曰既肯傾服悉保重用岑乃開門與諸將迎出郭外跪伏馬前告曰小將蠢庸為公孫述所惑不識將軍雄勇故有今日之愆罪該萬死望將軍仁宥吳漢大喜令岑前引擁一齊入城去漢即傳令著唐邯夷述家屬邯得令領軍一千挾入宮中將迷妻子及其族人等盡皆誅戮岑亦縱兵大掠放火燒迷宮殿言猶在耳骨肉未寒而逆背之故以樊宮豈有吳漢斬迷首級令人傳送洛陽帝見大喜謂曰子陽不思富貴有命安自尊大今日休於是乎言罷忽一臣奏曰吳漢劉尚雖獲大功然其縱兵搜掠毀焚宮殿大非義也乞陛下傳旨杜其將來帝聞大怒勅使往戒之曰城降三日吏人從服孩兒老母口以萬數一日放兵縱火聞之可為酸鼻且尚

宗室子孫嘗更吏職何忍行此仰視天府視地觀放虜啜羹二者孰仁良失斬將吊人之義也
吳漢聽戒傳令遂止安撫城內百姓賞勞諸軍

總評 延岑王元同係賊臣至始終不二主死主降甯奔無臣其過延岑遠甚不可以元經事臣一
概抹殺

第一百二回 漢帝追勳擢廟廊

卻說漢帝既平蜀定乃思漢舊賢臣李業譙玄王皓王加等俱被奸逆所害心甚愍切一日陞殿眾官朝
罷傳旨著黃門校尉建立祠廟圖塑形身受享春秋之祀廟完詔使羅列中牢禮物御駕親入祭奠令鴻
臚司序班朗誦祭文 曰 惟神全才忠節大義如玉之潔如日之光一世之短百世之長于茲廟貌景
仰綱常時維臘月謹以牲粢神靈英爽來格來嘗庶品用伸伏惟尚饗 祭畢詔令校軍守護不得毀壞
宮墻以違勅命言訖車駕還朝遣使復徵賢士費貽任永馮信等陞用詔書未到永信二人病卒獨貽隨
使入朝至殿見帝朝拜禮畢帝曰寡人思卿久矣未能得見今幸屈至喜躍弗勝貽曰臣恨無才佐事陛
下既蒙恩詔敢自違乎帝大喜遂封貽為合浦太守貽叩首謝恩而出卻說睢陽縣令任延謙卑守約賞
罰信明帝甚愛之一日遣使召延至殿謂曰朕以卿多能幹政治良令故擢卿為武威太守撫察賢否卿
何言乎延曰臣雖無才蒙恩賜敢抗違哉遂叩首謝恩而起帝戒之曰卿於任所務宜善事上官無失
名譽延曰臣聞忠臣不私私臣不忠履正奉公臣子之節上下皆同非陛下之福善事上官臣不敢奉詔
善事上官亦開勢利之門帝歎息曰卿言是也延遂拜別而去卻說外國使者來獻名馬一疋日行千里
時在君前語少立官箴又獻寶劍一把價值百金近臣趨殿奏知帝大喜令召使者至殿賞金百兩緞四十匹使者謝恩回
國而去帝即頒詔以劍賜與烈士留馬駕車次日傳者御駕親出遊獵文武遵詔令中黃門校尉安整龍

執利兵擁車而出前至南山坡阪陳俊令中拿獲田夫二人來問田夫告曰小人無罪過犯將軍拿縛何
車眾將我士嚴肅侍衛須臾帝出與鄧禹同坐車中令賈復李通為左右護駕王常陳俊為前後先鋒各
用俊曰汝等休驚萬歲親出遊獵但問何處有虎指示捉獲重賞金銀田夫聞言欣然答曰此事不難前
面白鵝山有一大虎常出傷人性命正要除此畜生不能到手今幸將軍來滅小人願引陳俊大喜遂令
前行既至即賞田夫每人白銀十兩二人叩首而出帝見其山樹林深長實險驚人傳旨眾將四圍張網
擊鼓鳴金號虎戰驚吼聲雷震陳俊挺槍引眾將鳴金入坡趕發其虎奔出山賈復攀弓望虎當胸一箭
射中左箭其虎漫山奔走陳俊眾軍亂趕賈復以藥再復一箭其虎即坐而死帝令軍卒搏屍砍肉分賜
眾將是日天晚車駕回殿至城下上東門侯到輝拒關不開帝使人見輝問曰御駕回朝何得違阻輝曰
火明燎遠遂不受詔帝乃回車從中東門入去次日到輝入朝見帝諫曰昔文武不敢盤於游田以萬民
惟正之供而陛下遠獵山林夜以繼晷如社稷宗廟何帝聞歎曰輝誠賢士也同駕諸公如中東門侯何能及
之遂賜到輝緞絹百匹而貶中東門侯為參封尉參封於是大饗將士定封功臣以鄧禹為高密侯食祿
四縣李通為固始侯食祿四縣賈復為膠東侯食祿六縣餘悉有賞眾皆謝恩而去

第一百三回 偃武修文圖致治

卻說漢帝在於兵間久厭武事且知天下疲耗思樂息肩自平隴蜀之後非緊急之事未嘗復言軍旅一
日皇太子親問帝曰臣久學於東宮未諳世事不能明決攻戰之策願父王教導帝曰昔衛靈公問陣於
孔子孔子不對此非汝所能及之也太子遂退鄧禹賈復知帝偃罷干戈欲修文德即與眾將集議悉去
兵甲敦崇儒學帝深然之悉召至殿謂曰朕自創業垂統俱賴卿等力扶攻城復縣殺賊破奸身經萬苦
之勞未嘗一息至是隴蜀平服天下太平朕欲偃武崇道完汝功臣爵土表朕微意今聞卿等能自去兵

偃甲就職儒術朕甚喜之言訖遂罷左右將軍悉以列侯就第取皆謝恩時建威將軍朱祐越班奏曰今天下歸定國政未修陛下可選有才德者陞為宰相佐助朝綱庶使國家有政民不失條願陛下聖鑒帝曰奈無是人將何如耶祐曰膠東侯費復為人剛毅方直多大節志既還私第闔門養威致重況且文武兼備誠宰相之才也陛下宜陞之帝准奏即封復為三公之職而功臣並不用之是時漢帝悉罷功臣不用惟高密侯鄧禹固始侯李通膠東侯費復三人每與公卿參議國家大事恩遇甚厚帝雖制御功臣而每能容回宥其小失凡遠方進貢珍甘物味必先頒賜諸侯而大官無餘故皆保其福祿不忍一旦而罷之意故光武能保全功臣如此高祖卻說大司馬吳漢平服巴蜀振旅還京一日入朝奏帝請封皇子及還封諸侯行爵出祿帝不許次日又上復奏帝乃下詔令群臣議處再至復命是日詔下大司馬費融固始侯李通膠東侯費復高密侯鄧禹等集議皆言吳漢奏者其當不可輕忽東遂修表一封次日奏聞帝主表曰古者封建諸侯以藩屏京師周封八百同姓諸姬並為建國夾輔王室尊事天子享國永長為後世法故詩云大啟爾宇為周室輔高祖聖德克有天下亦務親親封立兄弟諸子不違舊章陛下德橫天地興復宗統褒德賞勳親睦九族功臣宗室咸蒙封爵多受廣地或連屬縣今皇子賴天能勝衣趨拜陛下謙恭克讓抑而未議群臣百姓莫不失望宜因盛夏吉時定號位以廣藩輔明親親尊宗廟重社稷應古合舊歷塞眾心臣請大司空上輿地圖太常選擇吉日整具禮儀制曰可夏四月以太牢告嗣於宗廟乞陛下聖神詳察納進愚策臣鄧禹等誠惶誠恐頓首百拜奉表上聞帝覽畢傳旨大司空費融廟封贈皇子

劉輔為右翊公

劉英為楚公

劉陽為東海公

劉康為濟南公

劉蒼為東平公

劉延為淮陽公

劉荆為山陽公

劉衡為臨淮公

劉焉為左翊公

劉京為瑯琊公

謚二皇兄

劉續為齊武王

劉仲為魯哀公

皇子各受贈訖帝令大會群臣文武悉皆朝賀有詩為証 玉陛鳴珂列鷲駕歡聲露露動乾坤黃河正
值澄清日四海長沾潤澤恩

第一百四回 穀田詔尹民遭害

帝以天下墾田頃畝及戶口年紀互有增減多不以實乃詔下州郡各令檢覈於是潁州河南南陽諸州郡守接傳詔旨巧詐橫為假以文田為名聚民田中并度量屋舍起騙財物村里人民遮道啼泣有富豪獻錢者則優而容之貧窮無奉者則刑而迫之所以民間深受其害時諸郡各遣使者詣京奏事帝見陳留一吏牘上有書視之云潁川弘農可問河南南陽不可問帝乃召吏問曰此書何人作也其吏不肯實告乃託言答曰臣於長壽街上得來帝怒欲斬時皇子東海公陽在幄後言曰吏受郡守所教當欲以墾田相方耳帝曰既然如此又言河南南陽不可問者何也皇子對曰河南者帝之城郭也多有近臣南陽者帝之鄉里多有近親所以二處田宅踰制不可為準帝令虎賁將詰問其吏吏乃首服即如皇子之言所對帝聞嘆曰東海誠有大志深識遠謀由是益奇愛之有詩為證 東海公陽十二時深明遠慮識奸非親臣兩處田踰制自是君王愛益奇 卻說河南尹張伋詔言欲檢覈墾田頃畝即與諸郡太守十數餘人坐田量度民家有不以實者皆下獄死於是郡國大姓及兵長羣盜處處並起劫在所殺害官吏人報知張伋聞大驚急與諸郡太守回府勸兵以拒群盜令人通曉各縣人會接應張伋被掛親出拒戰

賊將出馬張假謂曰聖主仁德撫民有何虧汝今故反乎賊將答曰非聖上之過因汝欺君越法假以文田為名暗騙財物故此激變良民特來討汝為國除害賊即亂之忠臣也賊能為國除害張假大怒提刀躍馬直取賊將二人交鋒共鬪二十餘合不分勝敗張假今卒擣鼓再戰未及兩合各縣軍馬悉令來至一齊掩殺塵土遮天張假衝入陣中攪軍混戰斬首千餘賊將拚死殺出各逃奔散而去張假收軍入城安歇卻說賊將復聚屯結及青徐幽冀四州一齊并起擾掠甚盛帝知冬十月遣使者下郡國聽群盜自相糾擄五人共斬一人者除其罪吏胥道迴避故縱者皆勿問聽以擒討為效其收守令長主界內盜賊而不收捕者及以畏慢捐城委守者皆不以為負但取獲賊多少為殿最惟蔽匿者乃罪之於是更相追捕賊並解散徙其魁帥於他郡賦田受廩使安生業自是牛馬放牧不收邑門不閉

總評 記得盜為官吏詩云未曾相見心相識敢道相逢不識君一切蕭何今不用有賊拾到後堂分驅人為盜實是上始此詩當與賊將數語參看

第一百五回 廢郭封陰子受榮

卻說郭氏皇后一日於宮中悶坐自思帝意待己衰薄惟愛陰氏故此屢懷怨恨之心帝聞大怒傳旨廢罷郭氏乃立貴人陰氏為皇后時郭后太子疆見廢其母意不自安一日到暉進說疆曰殿下久處疑位上違孝道下近危殆殿下莫若辭位以奉養母氏為高太子從之次日見帝奏曰臣病弱短於才治不敢就職大統願乞以備藩國帝聞奏不忍乃曰卿非怨廢母乎疆曰非也臣素志耳何敢怨乎帝遂回不決太子遂退六月帝下詔曰春秋之義立子以貴東海王陽皇后之子宜承大統皇太子疆崇執謙退願備藩國父子之情重久違之其以疆為東海王立陽為皇太子改名曰莊二子叩首謝恩而退帝召桓榮至殿謂曰卿負經濟之才屈淹未用今朕新立皇太子莊特召卿為師友願為明決治亂之機廢興之策

以至入德之地決相重報榮答曰臣但陋薄疎庸難當重責豈敢不竭心乎帝大喜遂封榮為議郎之職榮頓首謝恩即就太學而去一日車駕親臨太學會諸博士講論經義惟桓榮辨別甚明儒者莫之能及帝甚奇之特加賞賜言未訖忽人報曰太司馬吳漢病發甚在危篤特遣小軍報聞陛下願陛下親往觀之帝聞大驚即罷講學駕車往視漢聞帝至仍以古臣禮待以君視東首己西面對帝見歎曰吳公常不失禮乃入帳下問曰將軍所欲何言對曰臣愚無所知識惟願陛下慎無赦而已言訖氣絕而薨帝哀悼甚切即發北軍五校輕車介士送葬洛陽謚曰忠侯子哀嗣有詩吊曰 雄才共擬柱中朝光識俄興樹稼謠經國謀謀成夢杳英英壯氣幾時消 是日帝親臨墓吊罷車駕還朝時京兆杜陵一人姓杜名篤字季雅因與美陽縣令不和被令誣陷收縛解京繫囚獄中帝幾欲誅為見其經義最高言辭切當乃美而赦之賜其金帛重字授為議郎之職一日篤思帝以表裏山河先帝舊京不宜改營洛邑乃修論都賦一篇奏聞主上 臣聞知而復知是為重知臣所欲言陛下已知故略其梗概不敢具陳昔盤庚去奢行儉于亳成周之隆乃即中洛遭時制都不常厥邑賢聖之慮蓋有優劣霸王之姿明知相絕守國之執同歸異術或棄去阻險務處平易或據山帶河併吞六國或富貴思歸不願見襲或掩空擊虛自蜀漢出即日車駕策由一卒或知而不從久都境垣臣不敢有所據竊見司馬相如揚子雲作辭賦以諷主上好矚目臣誠慕之伏作賦一篇名曰論都謹并封奏如左陛下以建武十八年二月甲寅升輿洛邑巡于西岳推天時順中極排閭闔入函谷觀阨於峻適圖險於隴蜀其三月丁酉行至長安經營宮室傷感舊京即詔京兆迺命扶風齊肅致敬告觀園陵悽然有懷祖之恩嗚乎思諸夏之隆遂天旋雲游造舟於西北航涇派千乘萬轂騎駢羅行陳於岐梁東橫乎大河瘞后士禮郊郊共歲四月反於洛都明年有詔復函谷關作大駕宮六王即高車廐于長安修理東都城門橋涇渭往往繕離觀東臨霸澗西望昆明北登長

乎規龍首撫未央晚平樂儀建章是時山東翕然狐疑意聖朝之西都懼關門之反拒也賦光武之都洛
東賦之晉下起 客有為為言彼陷井之潢汗固不容夫吞舟且洛邑之滄滄足以居乎萬乘哉咸陽
守國利器不可久虛以示奸萌為未甚然其言也故因為述大漢之崇世據雍州之利而今國家未暇之
故以喻客意曰昔在強秦爰初開畔霸自岐雍國富人行卒以并兼桀虐作亂昔在強秦以下乃喻客天
命有聖託之大漢大漢開基高祖有勳斬白蛇屯黑營聚五星於東井提干將而破秦踏滄海破崑崙奮
光掃項軍遂濟人難蕩滌于泗沂劉敬建策初都長安初都長安以上叙高 太宗承派守之以文躬履節
儉側身行仁食不二味衣無異采賑人以農桑率下以約己曼麗之容不接於目鄭衛之音不聞于耳佞
邪之臣不列於朝巧偽之物不驚于市故能理升平而刑幾措富行于孝景功傳於後嗣是時孝武因其
餘財府帑之蓄始有鈞深圖遠之意功傳于後嗣以上叙文帝事 擱冒頓之罪枝平城之仗遂命騎勒任
衛青勇性鷹揚軍如流星深之匈奴割裂王庭席卷漠北叩勤祈連橫分單于屠裂百蠻燒罽帳擊閼氏
燔康居灰珍奇收鳴鏑釘鹿蠹馳阮岸獲昆彌虜傲假驅驪馭宛馬鞭駃騠拓地萬里威震八方弱置
四郡據守敦煌并域蜀國一郡領方立候隅北建獲西羌捶驅氏焚寥狼叩拜東擁烏桓蹂躪滅貊南竊
鈞町水劍強越殘夷文身海被沫血郡縣日南漂概珠崖部郡東南兼有黃支連緩耳瑣雕題摧天督牽
象犀雀蚌蛤碎破琉璃甲瑇瑁玳瑁皆歸於是同穴喪禍之域共川鼻飲之國莫不袒跣稽顙失氣虜伏不
袒跣稽顙失氣虜伏以上叙武帝事獨多獨結 非夫大漢之盛世籍雍土之饒得御外理內之術孰能致
功若斯故創業於高祖嗣傳於孝惠德隆於太宗才行於孝景威盛於聖武政行於宣元侈極於成哀祚
缺於孝平傳世十一歷載三百德衰而復盈道微而復章皆莫能遷於雍州而背於咸陽也宮室以下仍
見都關中 宮室侵廟山林相望高顯宏麗可思可榮義農以來無茲著明夫雍州本帝皇所以育業霸王

所以行功戰士角難之場也禹貢所載厥田惟上沃野千里原隰彌望保殖五谷桑麻條暢濬據南山帶
以涇渭號曰陸海蓋生萬類榘榘柘菰果成實賦瀆潤淤水泉灌漑漸澤成川稊稻陶遂厥土之膏故
價一金田田相如鑄鏡林林火耕流種功淺得深既有蓄積阨塞四海西被隴蜀南通漢中北據谷口東
阻欽岩關函守峽山東道窮置列汧隴擁偃西戎拒守褒斜嶺南不通杜口純津朔方無從鴻渭之源徑
入于河大船萬艘轉漕相過東綜滄海西緬流沙朔南暨聲諸夏是和城宮百尺阨塞要害關梁之險多
所矜帶一卒舉礮千夫沈滯一人奮戟三軍沮敗地勢便利介冑剽悍可與近守利以攻遠士卒易保人
肉不袒肇十有二是為贍朕先據則功殊修文則財行行武則士要為政則化上篡逆則難謀進攻則百
赴退守則有餘斯固帝王之淵圖而守國之利器也逮及亡新時漢之衰偷忍淵圖篡器慢違徒以勢便
莫能卒危洋洋西假之十八 誅自京師天畀更始不能引維慢藏招寇復致赤眉海內雲擾諸憂滅微
羣龍並戰未知是非于時聖帝赫然申威荷天人之符兼不世之姿受命於皇上獲助于靈祇立號高邑
舉旗四麾首策之臣運籌出奇城怒之旅如虎如螭師之攸向無不靡披蓋夫燭魚割蛇莫之方斯大呼
山東響動流沙要龍淵首鏖命騰太白親發狼狐西平隴冀東據洛都乃廓平帝宇濟蒸人於塗炭成
兆庶之豐專遂興復乎大漢今天下新定矢石之勤始瘳而王上方以邊陲為憂忿葭萌之不柔未遑於
論都而迂思雍州也方躬勞聖衷以率海內厲撫名將略地疆列信威於征伐展武乎荒裔若夫文身鼻
飲緩耳之王權結左衽鑊錫之君東南殊俗不羈之國西北絕域難刺之隣靡不重譯納貢請為藩臣上
猶謙讓而不伐勤意以為獲無用之虜不如安有益之民略荒裔之地不如保殖五穀之淵遠救于已亡
不若近而存存也今國家躬修道德吐惠含仁湛恩沾洽時風顯宣徒垂意外持平守實務在愛育元元
苟有便於王政者聖主納焉何則物罔挹而不損道無隆而不移陽威則運滿則虧故存不忘亡安不存

危雖有仁義猶設城池也客以利器不可久虛而國家亦不忘乎西都何必去洛邑之淳澗就先基之大業以為萬世法又以客作館臣杜篤頓首謹論 帝覽畢嘆曰篤誠辨也觀其所發先王守政之規源源有緒未嘗居一事而措也言罷遂賜段匹四十黃金百兩授為太常卿之職篤叩首謝恩而退帝召公卿至殿將篤所奏之論示眾決忽議即桓榮趨上奏曰臣昨日於太學中參考經義人報外國交趾女子作反甚是精勇我王可早發兵除之免生後患帝聞奏顧謂眾曰卿等誰人可出收之竇融奏曰臣舉一將可立破之帝曰何將融曰見任大中大夫馬援將軍武略兼備可令此將出伐立成功也帝大喜傳詔令宣入殿援即隨名而至帝曰今交趾女子作反擾掠邊城朕託將軍往破將軍何如援曰為人臣子當盡忠以報國豈可優祿而憚勞哉臣即願往帝大喜遂拜援為伏波將軍以扶樂侯劉隆為副督樓船將軍段志為末將與兵十萬車駕親送出朝援等拜別引兵而去未知勝負如何

第一百六回 伏波標柱平交趾

却說交趾米鹿冷縣雜將之女徵側嫁與朱鸞人詩索為妻甚是雄勇因交趾太守蘇定以法繩之徵側怨怒都莫能與弟徵貳起兵造反攻破其郡於是九真日南合浦蠻夷等處皆響應之寇略領外六十餘城徵側自立為王一日陞帳與徵貳議決出兵忽小軍忙入報曰漢遣大將馬援引兵來攻吾國已在浪泊上布陳大王將何治之側聞大驚急令弟貳領兵十萬親自披掛上馬出城迎敵至浪泊兩軍相對徵側出馬謂援曰吾與汝主各據一國汝何故來犯界以討死乎援笑而罵曰反常妖賊不思婦人不出閨闈而肯將身混於男類之中辱污賤體不自知羞急退而想欲與決陣乎馬將軍亦知且上古帝王未有婦人據掠今汝故作孽反正與牝雞晨鳴無異若早下馬拜降保為將軍之妾如不願從碎首辱屍徵側大怒提刀躍馬飛出取援二騎相交約戰十合徵側敗走馬援追趕徵側出馬截住二人交戰未及三合貳飛敗回陣走劉隆段志雙出來擊兩邊混戰金鼓連天徵側大敗急引殘兵望東衝出馬援趕上大破之斬首數千餘級降者萬餘徵側走入禁谿城去馬援追至分兵圍之數日段志病卒援令小軍護喪還京自厲兵士守掠却說徵側敗入城中點軍傷折足有數千之多憂甚悶切與弟徵貳議曰吾起十萬大軍悉被驍將所破今又圍城迫擊如之奈何徵貳曰馬援世之勇士不可輕敵昔王莽大將巨無霸有萬夫不當之勇十軍難近之勢兼有聚獸牌敲動虎狼妖氣助陣與漢戰於昆陽尚被其破吾等勢寡力衰豈奈彼何側聞心愈惶懼乃曰若此將何治耶貳曰依弟愚見且回本國養聚將卒再作區處側曰然也遂傳令軍中飽食上馬至夜一更開西門出走馬援知急令劉隆分兵五萬於前山岡上埋伏待其將至截住夾擊劉隆隱伏去訖援徐領軍潛步打聽見側兵馬出盡大喝一聲趕上混戰徵側不願後卒急望前岡奔走忽聽坡下砲聲一响人馬湧出劉隆當頭截住去路側欲向後回走馬援又至兩下夾攻側兵大敗劉隆衝入陣內撞遇徵貳當住大殺一陣戰未三合被劉隆奮砍一刀削為兩段徵側見弟遭殺拚死撞東出走馬援趕上大喝一聲活擒回陣眾賊悉皆逃散援遂收軍入城安歇次日天曉升帳與隆坐論令將徵側推跪階前謂曰妖賊不聽良言今日果落吾手徵側告曰妾非敢反奈本郡太守不仁纔致如是乞將軍仁恩憐恤姑恕殘命願侍將軍提舖枕席雖死亦無憾矣援笑而言曰吾受漢皇重爵美女無數要汝一賤婦何用言訖喝令左右於下斬首惡人遣人傳頭詣送洛陽帝見大喜嘆曰馬援真良將也百出百勝遂遣使封援為新息侯食邑三千戶授受印勅眾將齊皆慶賀援乃擊牛醮酒勞饗軍士從容謂官屬曰吾從弟少遊常哀吾慷慨多志有言曰士生一世但取衣食裁足乘下澤車御欵段馬為即據更守墳墓鄉里稱善人斯可矣致求盈千但自苦耳當吾在浪泊西里間虜未滅之時下潦上霧毒氣薰蒸仰視飛鸞跼跼墮水中卧念少游平生時語何可得也今賴上大夫之力被蒙大恩重封贈

爵且喜且慙眾士聽言皆伏稱千歲援急止之是日宴罷援傳令使將樓船大小二十餘艘戰士三萬餘人進擊九真之賊及徵側餘黨都羊等自無功至居風斬獲五千餘人嶠南悉平復至交趾乃立銅柱為漢之極界上書大漢伏波馬援將軍于是交趾等郡咸驚畏服壯人志氣二十一年秋月援振旅還京將至故人多出迎勞次早入朝見帝具奏所事帝大喜遂賜兵車一乘加次九卿之職援謝恩而退回入府坐時平陵一人姓孟名冀乃援之故人知援勝回乃將羊酒至賀令人報知援急出接邀入禮坐設宴相待援曰吾望子有善言反同眾人耶今我微勞猥饗大縣功薄賞厚何以能長久乎先生奚用相濟冀嘆曰愚不及也援曰方今匈奴烏桓尚擾北邊吾欲自請擊之男兒當效死于邊野以馬革裹屍還幸耳何能卧床上死兒女子手中耶孟冀曰諒為烈士當如是乎有詩為証 男兒有志事邊場誓自無虧敢自將再向秋風舒翮翅扶搖萬里快鵬翔

總評

伏波馬革裹屍一語雖壯然與其身死國辱無益于事不如悠悠于兒女子之側反得安享太平快樂以終天年也畫凌煙垂竹帛者幾人哉

第一百七回

郡守陳章奪虜權

二人宴罷冀遂別援回家而去却說西域莎車王賢鄯善王安等思漢威德咸樂內屬皆遣使奉獻於漢賢使至帝乃賜賢都護印綬時邊郡太守王章言不可假以大權恐有一變難復收之帝即下詔收還其印乃賜大將軍之印賢甚怨恨猶思諸國知奪總印恐不畏服乃詐稱揚言大都護之職諸國悉服屬賢賢遂驕橫欲兼併西域諸國恐懼一十八國俱遣子入侍漢帝願請都護印綬帝厚賜諸國俱遣還其侍子賢復使請原總印帝却之不許於是賢深痛恨復附匈奴入塞擾掠時戶部尚書陳忠上疏請急禦之表曰 臣聞八蠻之寇莫甚北虜漢興高祖窘平城之圍太宗屈供奉之耻故孝武憤怒深為父長之

計命遣虎臣浮河絕漢窮破虜庭當斯之役黔首隕於狼望之北財幣糜於廬山之壑府庫罄竭朽空虛實至舟車賫及六畜夫豈不懷慮久故也遂開河西四郡以隔絕南羌收三十六國斷匈奴左臂是于單于孤持鼠竄遠藏至于宣元之世遂備蕃臣關徹不閉羽檄不行由此察之戎狄可以威服難以化狎西域內附日人區區東望扣闕者數矣此其不樂匈奴慕漢之效也今北虜已破車師勢必南攻鄯善棄而不救則諸國從矣若然則虜財賄益增胆勢益殖威臨南羌與之交連如此河西四郡危矣河西既危不救則不倍之役興不訾之費發矣議者但念西域絕遠郵之煩費不見先世苦心勤勞之意也方今邊境守禦之具不精內郡武衛之備不脩敦煌孤危遠來告急復不輔助內無以慰勞吏人外無以威示百蠻感國滅土經有明誠臣以為敦煌宜置校尉案石增四郡屯兵以西撫諸國折衝萬里震怖匈奴臣陳忠表奏 帝覽表納之乃以班勇為西域長史引兵五萬西屯柳中勇遂大破之悉皆平服秋七月武陵五溪蠻夷復反兵寇臨沅馬成討之不克深入軍沒馬援入朝見帝請兵往擊時援年已六十二歲帝愍其老未許之行援曰臣雖年邁尚能披甲上馬何懼之乎帝曰將軍既欲往敵可操試一番與朕觀者援飛奔上馬勒走一遭乃據鞍顧盼曰臣可用否帝笑曰矍鑠哉是翁也遂遣援行以捕虜軍馬武中即將耿舒劉匡孫永等起十二郡壯士及弛刑四萬餘兵護援進征五溪時援友人杜愔送援上馬援謂愔曰吾受國家厚恩年迫日索常恐不得以死報國今獲所願甘心瞑目但畏長者家兒或在左右或與從事殊難得調介獨惡是耳言罷遂別而去二十五年二月軍至臨鄉遇賊攻縣援即分兵進擊馬武等一齊出馬四圍掩殺賊軍大敗填坑墮斬屍積如山斬首二千餘級殘賊皆散逃入樹林中去援遂進軍下雋見有兩道可入從壺頭掩其咽喉充賊自破眾將依言遂從壺頭而進時天氣酷暑士卒多傷疫死援亦費難運不如進入壺頭掩其咽喉充賊自破眾將依言遂從壺頭而進時天氣酷暑士卒多傷疫死援亦

中病而困乃令軍卒穿崖為室以避炎蒸其賊每登險處鼓譟揚言援輒曳足以觀之左右哀其壯意莫不為之流涕耿舒見其疾重乃脩書一封遣人報兄耿弇書曰前舒欲先進充糧雖難運而兵馬得用軍人數萬爭欲先奮今壺頭騎不得進大眾俱疫而死誠可痛惜前到臨鄉縣賊無故自致若夜擊之即可殄滅伏波類西域賈胡到一處輒止以是失利今果疾疫皆如舒言弟見援疾且篤軍旅荒忘故此遣人草報急代王張垂拜不又弇得書遂整象笏入朝奏帝帝大驚乃使虎賁中郎將梁松往代監軍既至援病已卒松宿懷不平常欲譖援奈其貴寵畏不敢語今見援死乃喜而言曰小將墮吾之手遂回朝奏帝陷之帝大怒追收新息侯印綬何故按援常疾松往視之獨拜床下援不顧答及松去後諸子問曰梁松帝之寵婿貴重朝廷公卿已下莫不畏憚大人奈何獨不為禮援曰我乃松父友也雖貴何得失其序乎由是松深惡援卒故奏而陷之馬援兄子嚴敷並喜譏議而通輕俠客援前在交趾還書誡之曰吾欲汝曹聞人過失如聞父母之名耳可得聞口不可得言也好議論人長短妄是非正法此吾所大惡也甯死願聞子孫不可有此行也汝曹知吾惡之甚矣所以復言者施於結襦申父母之誠欲使汝曹不忘之耳龍伯高敦厚周慎口無擇言謙約節儉廉公有威吾愛之重之願汝曹效之杜季良豪俠好義憂人之憂樂人之樂清濁無所失父喪致客數郡畢至吾愛之重之不願汝曹效也效伯高不得猶為謹敕之士所謂刻鵠不成尚類鶩者也可鵠座效季良不得陷為天下輕薄子所謂畫虎不成反類狗者也迄今季良尚未可知郡將下車輒切齒郡以為言吾當為寒心是以不願子孫效也時季良名保京兆人也官陞越騎司馬保讎人上書訟保為行浮薄亂羣惑眾伏波將軍萬里還書以誡兄子而梁松竇固與保交結悉將扇其輕偽敗亂諸夏之書奏帝帝召松固至殿以訟書及援誡書示之松固大慙叩頭流血遂免其罪帝見援誡之書言伯高名述可效甚喜愛之伯高亦京兆人也原為山部長由此陞為零陵

太守初援在交趾常餌葷以實能輕身勝瘴氣南方葷葷實大援欲以為種軍還載之一車時人以為南方珍怪權貴皆望之時援有寵故莫敢聞及卒後有上書譖之者言援前所載還之車皆明珠文犀匿藏不獻帝益怒援妻奴惶懼不敢以喪還舊葬買城西數畝之地槁葬而已賔客莫敢弔援妻子詣闕請罪帝乃出梁松奏章及各所譖之書以示之援妻方知所坐乃叩頭哀哭乃上書一首以訴前後之冤詩曰銅柱高標險塞垣南蠻不敢犯中原功成自合分茅土何事翻啣葷以冤帝覽詩見其所哀甚切乃赦之援遂得葬時雲陽令同郡朱勃詣闕上書釋援之冤書曰臣聞王德聖政不忘人之功採其一美不求備于眾故高祖赦蒯通而以王禮葬田橫大臣曠然咸不自疑夫大將在外讒言在內微過輒計大功不許誠為國之所慎也故章邯畏口而奔楚燕將據聊而不下豈其甘心未歸哉悼巧言之傷類也竊見伏波將軍新息侯馬援拔自西州欽慕聖義間關險難觸冒萬死孤立羣貴之間僕無一言之佐馳深淵入虎口豈顧計幾甯自知當要七郡之使徵封侯之福耶八年車駕西討隗囂圖計狐疑眾營未集援建宜進之策卒破西州及吳漢下隴冀路斷隔唯獨狄道為國堅守士民飢困寄命漏刻援奉詔西使鎮慰邊眾乃招集豪傑曉誘羌戎謀如勇泉勢如轉規遂救倒懸之急存幾亡之城兵全師進因糧敵入隴冀路平而獨守空郡兵動有功師進輒克銖鋤先零緣入山谷猛怒力戰飛矢貫脛又出征交趾土多瘴氣援與妻子生訣無悔吝之心遂斬滅徵側百一州間復南討立陷臨鄉師已而業未竟而使吏士雖疫援不獨存夫戰或以久而立功或以速而致敗深入未必為得不進未必為非人情豈樂久屯絕地不生歸哉惟援得自朝廷二十二年北出塞漠南渡江海觸冒害氣僵死置事名滅爵絕國士不傳海內不知其過眾庶未聞其悔卒遇三夫之言橫被誣枉之讒家屬杜門莫不歸墓怨隙並與宗親怖慄死者不能自列生者莫為之說臣竊傷之夫明主醜于用賞約于用刑高祖常與陳平金四萬斤以間楚軍不

問出入所為豈復疑以錢谷間載夫操孔父之忠而不能自免于讒此鄒陽之所悲也詩云取彼讒人投畀豺虎豺虎不食投畀有北有北不受投畀有昊此言欲令上天而平其惡惟陛下留思堅儒之言無使功臣懷恨黃泉臣聞春秋之義罪以功除聖王之祀臣有五義所謂以死勤事者也願下公卿平授功罪宜絕宜續以厭海內之望臣年紀六十常伏田里竊感樂布哭彭越之義冒陳悲憤戰慄闕廷 帝覽表低首無言惟長吁短息而已遂重賜朱勃金帛使還見職勃謝恩而出乃作詩一首以追馬援之業詩曰天遣英雄佐國優君王薄義信讒謀十年苦戰功勞沒一旦翻啣意以讒青史謾勞書將略重泉不復見宸遊詩成忍向荒墳吊月色寒波總是愁

總評 光武待功臣遠過高祖獨于馬將軍亦無少薄然即謂伏波自取其悔可也

第一百八回 表請詔辭仁智見

却說漢帝罷朝獨坐後殿細詳勃奏之章援功誠大默然悶愁悔思無及一日登殿文武山呼禮畢忽竇融出班奏曰武威太守任延遣使來至久待午門未敢擅入乞陛下傳旨帝宣入使者至殿俯伏階前帝問曰使者何意答曰北匈奴單于遣使詣武威請求和親故來報聞陛下乞陛下旨將何處帝聞奏急召眾臣廷議日中未決皇太子劉莊奏曰南單于新附北虜懼于見伐故傾耳而聽爭欲歸義今未能出兵而反交通北虜臣恐南單于將有二心北虜降者且不復來矣乞陛下詳察帝大喜曰太子之言甚合吾意眾臣皆美其當遂遣使回報武威勿受其使使者領旨叩首拜謝出回而去忽朗陵侯臧宮陽虛侯馮武詣闕上書陳言匈奴之事書曰匈奴貪利無有禮信窮則稽首安則侵盜緣邊被其毒痛內國憂其抵突虜今人畜疫死旱蝗赤地疲困之力不當中國一郡萬里死命懸在陛下福不再來時或易失豈宜固守文德而久墮武事者乎今命將臨塞厚懸購賞喻告驪鳥桓鮮卑攻其左發河西四郡天水隴西

羌胡擊其右如此北虜之滅不過數年臣恐陛下仁恩不忍謀臣狐疑也今萬世刻石之功不立于聖世臣臧宮馬武頓首謹上 帝覽書微微而笑乃曰二子豈知我乎遂下詔託黃石公之說以自戒而固卻之詔曰 昔黃石公記曰柔能制剛弱能制強柔者德也剛者賊也弱者仁之助也彊者怨之歸也故曰有德之君以所樂樂人無德之君以所樂樂身樂人者其樂長樂身者不久亡舍近謀遠者勞而無功舍遠謀近者逸而有終逸政多忠臣勞政多亂人故曰務廣地者荒務廣德者彊守其有者安貪其有者殘殘滅之政雖成必敗今國無善政災變不息百姓驚惶人不自保而復欲遠事邊外乎孔子曰吾恐季孫之憂不在顓臾且北敵尚強而屯田警備傳聞之事恆多失實誠能舉天下之半以滅大寇豈非至願苟非其時不如息兵何自苦哉故茲詔示 自是詔下之後諸將咸服未有一人敢復言兵家之事者一日帝詔博士桓玄授為太子少傅賜其輜車乘馬金帛等物玄謝恩而出時桓榮大會諸生參賀玄寵陳設玄所得賜車馬印綬乃曰今日所蒙稽古之力也宴罷各散訖却說御駕東巡羣臣上言奏曰陛下即位已三十年可宜封禪泰山帝曰朕即位三十年百姓怨氣滿腹吾誰欺欺天子曾謂泰山不如林放乎何事行七十二代之編錄於是羣臣不敢復言光武亦可謂明聖矣始終疑于讖記何與四月車駕還宮帝獨坐後殿玩讀河圖會昌符書白赤劉之九會命岱宗帝玩其意愴然有感乃召梁松等至殿玩索河圖讖文之書言九世當封禪者三十六事於是張純等俱復奏請封禪帝乃許之遂傳旨著司天監擇日親臨所祭次日眾臣列道護駕登山以壘親封祭罷回朝是夏京師忽有醴泉湧出飲之者固疾皆愈惟眇蹇者不瘳眇蹇者真固疾也哉文有赤草生于水崖郡國頻上甘露羣臣入殿奏曰地祇靈應而朱草萌生孝宣帝每有嘉瑞輒以改元神爵五鳳甘露黃龍列為年紀蓋以感致神祇表彰德信是以化致升平稱為中興今天下清甯靈物仍降陛下情存挹挹推而不居豈可使祥符顯慶沒而無聞宜令太史撰集以傳來世帝不納常自謙言無

德每郡國所上輒抑而不當故史官罕得以記焉是歲命有司監軍建起靈台明堂辟雍宣布圖讖于天下帝以赤伏符即位由是信用讖文多以決定嫌疑此以赤伏符即位由是皆信用一日遊於靈台之上忽議即桓譚進曰父子君臣之倫禮樂刑政之具無非性與天道而讖非經典之制皆以妄巧偽說陛下何苦信之帝大怒曰桓譚非聖無法將下斬之譚叩頭流血帝纔息怒遂免其罪貶出為六安丞譚慙而退二月戊戌帝崩於南宮前殿在位二十三年壽六十二遺詔曰朕無益於百姓無得厚葬但如孝文皇帝制度務從省約刺史二千石長吏皆無離城郭無遣使及因郵奏葬于原陵山太子壯即皇帝位按帝每旦視朝日側乃罷數引公卿即將講論經理夜分乃寐皇太子見帝勤勞不怠乘間諫曰陛下有禹湯之明而失黃老養性之術願頤愛精神優游自富帝曰我自樂此不為疲也雖身濟大業兢兢如不及故能明慎政體總攬權綱量時度力舉無過事退功臣而進文吏戟弓矢而散牛馬雖道未方古斯亦止戈之武焉 又讚曰 炎正中微大盜移國九縣蹙回三精霧塞人厭深詐神恩反德光武誕命靈貺自甄沉幾先物深略緯文尋邑百萬貔虎為羣長轂雷野高鋒慧宮英威既振新都自焚度劉庸代紛紜梁趙三河未澄四關重擾金湯失險車書共道靈慶既啟人謀咸贊明明廟謨翹翹雄斷於乎有命系隆我漢

總評

漢孝文深得退一步法故根脚穩實其詔令不虛光武每事一如孝文亦善法祖者矣

卷八

第一百九回

告廟饗天明制度

是日明帝登殿文武班列兩行揚塵拜舞山呼禮畢加封鄧禹為大傅李通為大司空眾臣各受封贈大赦天下卻說東平王蒼以為中興三十餘年四方甯息宜修禮樂遣使至京奏聞所事使者至朝帝召入

殿問眾卿來何意使者具奏所事帝甚喜即召公卿共議李通奏曰東平言者甚當陛下新登寶位可先

設郊祭饗天地然後告祀宗廟以明制度帝准奏傳旨著中郎將梁松監領五校於南郊設壇及修制先

帝光武之廟詔下松往去訖帝思凡所奉祀天地社稷宗廟山川等神欲為天下生靈祈福恐百官齋戒

不致專精乃下詔令太傅桓立作齋戒文以示眾意立領勅命即撰文曰 凡祭祀必先齋戒而後以感

動神明戒者禁止其外齋者正齋其內沐浴更衣出宿外舍不飲酒不茹葷不問疾不吊喪不聽樂不理

刑此則名戒也專一其心嚴畏謹慎不思他事苟有所祭之神如在其上如在其左右精白一誠無須臾

間此則為齋也大祀齋戒七日前四日為戒後三日為齋中祀齋戒五日前三日為戒後一日為齋故示

自是眾臣各皆嚴肅卻說梁松領勅監軍徑往城南郊野建起高壇三層每層高一丈九尺四圍結綵

按天地人三才五方樹旗列金木水火土香焚寶鼎燭燦銀花又備整齊還宮復命次日早朝梁松奏曰

臣領陛下勅命往郊設壇今悉完固請陛下往祀于喪事中行古禮非君所為帝聞奏傳旨百官更衣同登壇祀詔下

眾臣先臨肅侍須臾駕至帝下龍車端整平天冠重更潔黃袍立於中壇正座文武班列傍邊帝舉香祝

曰大漢皇子劉莊眷天上帝降中於民致四海之來蘇故萬民之俯仰惟冀神祇鍾靈毓福士民條暢國

祚昌榮祝罷再拜忽近臣趨壇奏曰大司空李通病篤今早氣絕而薨乞陛下傳勅安葬帝聞大哭曰先

帝起義春陵此將首助兵甲披堅執銳拯弱扶危歷盡汗馬百年之勞未蒙恩賜一息今纔伏樂天何速

其命乎歛感眉尖呼嗟不已太傅桓立進曰陛下少憂人寄塵寰死生有命李通既逝不能復醒陛下可

念其功勅賜厚葬何為痛苦哀之而損容乎帝遂少止罷壇還宮傳勅厚葬諡曰恭侯子音嗣帝與陰皇

太后親臨墓吊有詩哭曰 先帝初逢世亂時將軍誓死寄安危旌旗萬里寒胡膽梁柱今朝折棟支義

節稜稜沖漠漢忠精赫赫著銘碑傷心多少英雄淚忍向斜陽故國揮 吊罷車駕還宮二年春月帝傳

旨親往明堂饗祀光武皇帝百官一齊擁駕至臨祭畢帝登靈臺之上觀望雲物良久乃罷幸辟雍行初
 養老禮以李躬為三老桓榮為五更禮畢引桓榮及弟子等陞於明堂之上帝正坐自為講辨諸儒執經
 問難於前辟雍四門之外百姓人等各整衣冠排列而觀聽者凡有億萬之多自早至晚乃罷還宮次日
 設朝文武拜畢傳旨修整學舍令功臣子孫及四姓末屬俱入講學擇選高才飽讀者以授其業自橋門
 羽林之士悉令通孝經章句匈奴聞言亦遣子入學濟濟乎洋洋乎盛於永平矣卻說扶風茂陵有一人
 姓傅名毅字武仲家貧力學博閱古今一日於平陵習讀經義聞明帝興學校求賢士因作迪志詩以諷
 之詩曰 咨爾庶士迨時斯勗日月逾邁豈云旋復此四言詩載在漢書傅毅傳中哀我經營旅力靡及在
 茲弱冠靡所無立於赫我祖顯于殷國二迹阿衡克光其則武丁興商伊宗皇士爰作股肱萬邦是紀奕
 世載德迄別顯考保膺淑懿繼修其道漢之中葉俊又式序秩彼殷宗先此勳緒伊余小子穢叨靡逮懼
 我老烈自茲已墜誰能革濁清我濯漑誰能昭闇啟我童昧先人有訓我訥我誥誨我嘉務誨我博學爰
 率朋友尋此舊則契濶夙夜庶不懈忒秩秩大猷紀綱庶式匪勒匪昭匪壹匪測農夫不急越有黍稷誰
 能云作考之居息二事敗業多疾我力如彼遵衢則罔所極二志靡成聿勞我心如彼兼所則溷於音於
 戲君子無桓自逸俎斗如流鮮茲暇日行邁屢稅胡能有迄密勿朝夕聿同始卒 傅毅復觀經義朝夕
 不輒帝聞其賢善於辭賦顧下詔徵之毅即隨命入朝見帝參禮畢帝曰素聞卿負大才未用於世朕固
 召卿濟扶孤弱可乎毅叩首謝曰臣庸無識不堪重任乞陛下姑納為用帝大喜遂以毅 關臺令史拜
 郎中令與班固賈逵共典校書毅謝恩而出即往蘭臺與諸生修編史集毅追美孝明皇帝功德最盛而
 廟頌未立乃依清廟作顯宗頌千篇奏上帝甚奇之由是文雅明廷咸仰稱羨

第一百十回

圖形畫像著功多

三年春月帝思貴人馬氏賢德謙慈乃下詔立為皇后德冠後宮即正位宮闈愈自謙肅好讀詩書常衣
 大練裙不加綵朔望詣姬宮主入參朝謁見后袍衣履疎以為綺縠就視乃笑后曰此繒特宜染色故用
 之耳何得笑乎眾皆嘆息而退一日帝獨閒坐追思中興功臣不可殞滅其像次早登殿文武朝罷傳旨
 令畫二十八將於南宮雲臺傳名後世以鄧禹為首次馬成吳漢王梁賈復陳俊耿弇杜貌寇恂傅俊岑
 彭堅譚馮異王霸朱祐任光於尊李忠景丹萬修蓋延祁彤姚期劉植耿純臧宮馬武劉隆又益以王常
 李通竇融卓茂合三十二人悉圖於上獨馬援以椒房之親不畫其像一日東平王蒼與帝遊於雲臺觀
 遍不見馬援之像乃謂帝曰伏波將軍功勞甚大何故不畫圖像帝笑而不言

總評

明帝謂馬援以內戚之故不與功臣之烈欲以示公不知適所以為私也蓋義不當引聖
 人猶自敘其績豈可以椒房戚屬而反掩烈丈夫之大節哉

第一百十一回

賢臣避世勤耕織

帝與東平登臺玩罷車駕還宮卻說扶風平陵一人姓梁名鴻字伯鸞父讓王莽時為城門校尉及卒時
 鴻尚幼遭世離亂因卷席而葬後受業大學家貧而高節介博覽經義無所不通學畢乃牧羊於上林苑
 中不覺家中發火延及鄰舍鴻知嘆曰是我累他乃歸尋訪燒者問所去失多少其主言曰家財無一毫
 物鴻悉以羊償之其主猶以為少鴻曰吾無他財願以身居傭作以盡賠還其主許之鴻為執勤朝夕不
 怠鄰家長者見鴻貌非常人乃責其主而羨鴻賢其主於是始敬異焉悉還其羊鴻不受而去此鄰亦奇
 此歸鄉里富豪之家慕其高節多欲以女妻之鴻並辭不娶時同縣孟良者生有一女名光狀貌非常而
 兼黑色力舉石臼擇對不嫁至年三十父母問其故光曰欲得賢如梁伯鸞者鴻聞而聘之光求作布衣
 麻履織作筐緝績之及嫁始以裝飾入門七日而鴻不答光乃跪床下請曰竊聞夫子高義簡斥數婦妾

亦僅蹇數夫矣今而見責不敢請罪是好一對演義詳出一段鴻曰吾欲表褐之人可與俱隱深山者汝今乃衣綺縞傅粉墨宣鴻所願哉妻曰以觀夫子之志安自有隱居之服即更著布衣操作而前鴻大喜曰此真梁鴻妻也能奉我矣因取字曰德曜孟光居之半載光曰常聞夫子欲隱避患今何為默默無乃欲低頭就之乎鴻曰然也乃共入霸陵山中以耕織為業詠詩書彈琴瑟以自歡娛仰慕前世之高士而為四皓以來二十四人作頌因東出關過京師乃作五噫之歌以噫之歌曰陟彼北芒兮噫顧覽帝京兮噫宮室崔嵬兮噫人之劬勞兮噫遼遠未央兮噫帝聞鴻賢命使安車持節以迎之使者至鴻迎禮畢問曰使來何意答曰聖上聞足下賢能特來相召同匡國政以濟天下之望願足下早赴無拒鴻曰吾乃一庸夫耳豈能明識國事竟辭不就使者嘆息而回鴻遂改易姓名與妻避居於齊魯之間半年又去適其將行乃作詩而嘆詩曰逝舊邦兮遊征將遙集兮東南心愒恆兮傷悴忘菲菲兮升降欲乘策兮縱邁疾吾俗兮作讒競舉枉兮措直成先佞兮噫噫固靡慚兮獨建冀異州兮尚賢道遙步兮遊嬉續仲尼兮周流儻云親兮我悅遂舍車兮即浮過季札兮延陵求魯連兮海隅雖不察兮光貌幸神靈兮與休惟季春兮華阜麥含兮方秀哀茂時兮逾邁感芳香兮日臭悼吾心兮不獲長委結兮焉究口噫噫兮余訕嗟惟惟兮誰留歌詩俱漫既至吳地乃依大家臯伯通居廡下為人質魯每歸妻奉飲食不敢仰視於鴻前舉案齊眉而進伯通察而異之曰彼傭能使其妻敬之如此非凡人也乃方舍之於家時鴻友人高恢少好老子隱於華陰山中鴻思乃作詩以寄之詩曰鳥嚶嚶兮友之期念高子兮懷僕思想念恢兮爰集茲二人遂不復見恢亦高隱遂終身不仕卻說高密侯鄧禹一日朝罷歸門徒沾寒疾卧榻不起遂令長子鄧震奏聞明帝帝大驚累次親臨視問及亮帝傳旨文武悉皆掛孝帝亦白袍素車親出送葬諡曰元侯有詩為証結髮行間見此公兩河忠義侯元戎動成伊呂終方駕算勝孫吳亦下風千載

清名垂竹帛一坏黃壤對松桐英雄已死嗟何及獨立西風看去鴻葬畢車駕還宮次日宣禹十三子

至殿受封贈職以長子震嗣父職高密侯襲為昌安侯珍為夷安侯餘悉受贈各謝恩退惟少子鴻好謀

籌策封為小侯引入後殿與議邊事鴻一一而答帝甚喜以為鴻能拜為將兵長史令五營軍士獲鴻鎮

守雁門關鴻拜謝而去卻說尚書鍾離意聞全椒長劉平賢能乃入朝奏薦言平在全椒仁政省罰恩惠

良民或增賞就賦或減年從役太守行見其獄無繫囚真可謂賢才之治也陛下宜陞遷之帝准奏下詔

徵為議郎帝性偏察好以耳目隱發為明公卿大臣每被殘辱近臣尚書以下或有不到之處至見拖扭

扯拽常以事怒恨郎官藥菘一日升殿眾臣朝畢帝下龍床以杖撞之菘走入床下帝怒甚疾言郎出菘

乃曰天子穆穆諸侯皇皇未聞人君自起撞郎大堪警悟莫帝纔息怒遂赦其罪由是朝廷莫不慄慄爭

為嚴切以避誅責惟鍾離意獨敢諫爭數封還詔書臣下過失輒救解之八年北匈奴遣使詣朝請求交

和不復為寇帝許之遂賞使令還回報乃遣越騎司馬鄭眾出使匈奴眾領勅命即上馬行數日方至令

人報知匈奴單于召入帳下眾乃半揖而已單于曰鄭生何為不拜眾曰汝非吾君何得拜焉單于曰吾

與汝主並肩汝與吾臣相立既奉使於吾當行臣禮何得自恃而越法乎眾曰南朝臣將膝有黃金豈肯

屈身而下胡虜哉頭則可取志不可移單于大恐止不復語語而能夷大恐懼不乃發還京師眾即出回

卻說南匈奴知漢與北虜交使內懷嫌怨欲起兵叛遂密使人往北虜令合兵共勢迎敵鄭眾出塞聞知

其事乃入朝見帝奏曰今二虜連和欲叛陛下宜置大將以防拒之帝准奏遂令鄭眾監軍十萬渡遼水

以鎮西域眾即拜別上馬領軍而去帝夜夢見金人身長項大有光明次日登殿問於羣臣或曰西方有

神其名曰佛其形長丈六尺如黃金色帝因使人往天竺求其道得其書及沙門以求其書大抵以虛無

之說為宗貴慈悲不殺以為人死精神不滅隨復受形生時所行善惡皆有報應故所貴修練精神以至

為佛善為宏濶勝大之言以勸誘愚俗精於其道者號曰沙門於是中國始得其術建造殿宇圖塑其像以時奉祀此佛入中之始而王公貴人獨楚王英最先好之有詩為証 出自西方曰天竺中原由此鉢相傳不生不滅神明妙時放毫光照大千 卻說明帝圖罷佛像次日設朝召文武共議匈奴之事忽耿秉出班奏曰匈奴為害久矣心無定制或服或變說許多端若不威加之乘間擾害臣願乞兵往伐以絕後患帝准奏令與竇固等引兵十萬分道並出數日方至離城五里下寨令人報知匈奴單于聽罷大怒急點匈奴十萬披掛上馬單于頭頂寶箱蓋身穿銀鎧甲手執降魔杵坐下燕色馬引軍出城排陣搦戰實固出馬罵曰獠賊奴漢王有何負汝不特寇擾邊界早降罷戰庶免殘生若再拒言粉身碎骨單于大怒躍馬直取二將交鋒共戰十合不分勝負耿秉出馬兩下夾攻金鼓齊鳴喊聲震地匈奴大敗單于首將撞東欲走耿秉望見攀弓趕上奮射一箭從其項下穿過墮馬而死單于見勢不利急引殘軍拚死殺開血路走回本國而去固遂令卒鳴金收軍下寨安歇於是聲震胡虜畏不敢犯次日固使假司馬班超與從事郭恂分兵八萬進使西域超即拜別上馬而往行至鄯善將近善王廣先奉漢詔禮敬甚備後忽疎懈超見廣有怠慢之意乃謂官屬曰此必有北虜使來與相交通明者覩未萌况已著耶不入虎口不得虎子遂傳令軍士夜以火攻虜營眾軍得令各整兵刃披掛立待至夜二更一齊上馬潛往既至令卒放火驚起虜使亂奔出走超躍馬趕上拔劍望使一砍首落於地及斬從士三十首級餘眾百十多人悉皆燒死次日天曉乃遣召鄯善王廣以虜使首級示之一國震恐廣叩頭言曰願附漢主再無二心即令子入侍中國超大喜遂班師回京見竇固具說所事實固大喜謂曰將軍誠大才也次日入朝見帝具奏超功帝甚奇異復下詔令超出使於真超即上馬前行既至真王廣德聞漢使至忙出迎接誠服歸降於是諸國胡虜皆遣子入侍 按鑑西域與漢絕六十五載至是乃復通焉 卻說北虜匈奴亦反擾掠

俱入雲中地界時太守廉范發兵拒之吏士進跪告曰匈奴勢大吾等兵少不可輕敵太守欲進急宜修書遣人先往鄰郡求救待其軍來合勢共出則可取勝范不許至日暮乃召軍士謂曰汝等今夜各持火把列於營中使虜眾見言我兵多明早進擊可破其勢范與諸臣眾將得令悉從計行至夜二更高燭營中火光冲天虜軍望見都言漢兵救至帥王大驚待旦而退是夜范令軍中就床飽食天明大軍分道並進虜軍聞風逃竄棄甲丟戈廉范趕上大殺一陣得虜首百級死者千餘人於是廉范威震邊塞北虜不敢復向雲中有詩為証 料敵行兵數有方神機妙策蘊胸藏破胡滅虜鷹擒兔出塞驅夷虎奔羊是日廉范班師唱歌回府令人奏聞朝廷帝大喜遣使持節加范為大將軍之職賜金百兩緡疋五十再賜白銀千兩令賞軍士使者上馬而去卻說益州刺史朱輔為人慷慨有大才略好立功名在州數歲宣示漢主德威以說夷虜自汝山以西前世所不至正朔所未加白狼唐設槃木等百餘國戶百三十餘萬口六百萬以上舉種奉貢稱為臣僕唐設作詩三章歌頌漢德朱輔修奏一封遣使將其詩章獻上朝廷疏曰臣聞詩云彼徂者岐有夷之行傳曰岐道雖僻而人不遠詩人誦詠以為符驗白狼王唐設等慕化漢德歸義作詩三首路經邛來大山零高坂峭危峻險百倍岐道極負老幼若歸慈母遠夷之語辭意難正草木異種鳥獸殊數有捷為郡椽由恭與之習狎頗曉其言臣輒令訊其風俗譯其辭語今遣從事史李陵與護送詣闕并上言樂詩昔在聖帝舞四夷之樂今之所上庶備其一臣朱輔頓首疏上 遠夷樂德歌詩曰 蠻夷所處日入之部慕義向化歸日出主聖德深恩與人富享冬多霜雪夏多和雨寒溫時適部人多有陟危歷險不遠萬里去俗歸德心歸慈母華人作夷語 角亦音似 遠夷懷德歌詩曰 荒服之外土地境瑁食肉衣皮不見鹽谷吏譯傳風大漢安樂攜員歸仁觸冒險陝高山岐峻緣崖磻石未薄發家百宿到洛父子同賜懷抱匹帛傳告種人長願臣僕 帝覽輔奏見三歌之詩甚嘉喜愛遂令史官錄之於滕

遣使齎璽書往授輔為都護之職使者拜別上馬而去卻說北虜單于遣西鹿蠡王率兵二萬進擊車師
耿恭聞知乃召諸將謂曰匈奴勢大人馬精強不可與彼交戰且此國糧稀食寡難濟軍用吾聞疏勒城
傍有澗水頗固莫若先出據之可宜長守以備胡害眾將俱諾是日耿恭入據疏勒蠡王聞知即使眾匈
奴擁絕其澗水使不得飲恭於城中令卒穿井深十五丈不得水出吏士渴甚乃笮馬糞汁而飲之恭遂
潔整衣服向井拜禱仰天告曰恭領漢皇重命職鎮邊疆終日乾乾夕惕若厲並不敢少逸自念忘理政
事今不幸彼匈奴圍擊擁絕澗水城中士卒人民俱遭渴死恭穿深井一十五丈不能致水而食願天憐
恤孤窮早施甘澤救生民之塗炭慰漢主之願望祝罷而拜須臾泉水湧出當此耿恭被困之時士卒人
助加之水可見天道在漢雖危不與非恭大喜嘆曰誠天助也於是城中百姓咸言恭德所致豈人力之
能哉恭得泉水遂令軍卒揚以示虜虜見各皆驚駭咸相議曰耿恭真乃神助吾等豈勝彼乎遂解兵忙
回本國而去耿恭即設宴大饗軍士次日修表遣使詣京奏聞主上表曰 日月麗中天萬國仰照臨之
德乾坤大一統羣生荷覆載之恩文教誕敷而治具畢張威武繼揚而妖氛頓息臣民欣戴海宇惟騰仰
惟皇帝陛下卓冠羣倫茂膺景運皇圖啟祚粵申命之自天歷數在躬遂化家以為國拯生民之勢弱救
亂世之動勦大鈞播而景物亨皇極建而彝倫敘凡有血氣莫不尊親惟彼殘胡敢行肆侮竊乘間隙侵
犯邊陲赫怒皇心用加天討爰聲罪而致伐乃鞠旅以陳師臣耿恭賦質庸愚忝受郡守之寄慚無贊畫
之能拜命闕廷俾率貔貅之眾總戎行陣誓空胡馬之羣前車師而虜蠹入界後疏勒而擁絕水池士卒
渴挨笮馬糞汁而為飲人民苦悴掘深井而無泉臣恭淨潔禱祝穹蒼忽湧甘泉蘇回民士令卒高揚以
示虜匈奴震怖而回兵一旦廓清膺腥無穢皇風遠被於遐荒胡運竟終於此日凡茲勦庸之建豈因臣
下之能蓋茲伏遇皇帝陛下廣運如天宏謨蓋世明見萬里之外遂成千載之功東日定而西月江莫非

王土南荒炎而北弱海洪惟帝臣一統太平萬年攸久臣耿恭頓首百拜謹奉表上聞 帝覽表大喜即
遣使持節拜恭為五軍都指揮使之職并賞軍銀三千兩使者齎勅上馬而去秋八月帝崩年四十八皇
太子烜即位年一十八歲班固贊曰 顯宗丕承業業兢兢危心恭德政察奸勝備章朝物省薄墳陵永
懷廢典下身遭道登臺觀雲臨雍拜老懋惟帝績增光文考 是日章帝登殿各文武朝罷忽兵部尚書
楊終越班上疏極言匈奴之事疏曰 三苗逆命大禹有往征之師獯狁侵陵宣王有北伐之舉屬妖氛
之汎掃致醜虜之歸來喜溢臣民惟騰遐邇臣終切惟問者北征匈奴西開三十六國以旣表之遺孽亡
國之賤俘負天地生全之恩懷虎狼貪殘之性百姓頻年服役轉輸煩費愁困之民足以感動天地且胡
虜之心未有傾志屬國少有未至疾害妬生殺戮我姓使寇竊我邊陸上違逆于天下阻遏於聲教惟
陛下留念省察除殘去害爰興問罪之師按節臨戎實總天師之寄將佐效忠而志力士卒鼓勇以爭先
軍威遠震於虜廷義氣橫行於瀚海兵有不戰之勝敵無梟首之虞其匈奴出即詣軍門納款輸誠革心
向化其餘軍民人等咸加撫諭各遂生全同沾化育之恩永絕腥膻之穢是皆皇帝陛下之謀運于宥在
睿知發乎先幾故能豫制於萬全是以功成于莫測臣等仰遵成算祇奉天威獲殫大馬之驅馳少盡涓
埃之報答萬方胥慶觀日月之光華率土歸心樂乾坤之覆載臣兵部尚書楊終頓首誠惶百拜謹奉表
上聞 帝覽表畢下示公卿議論第五倫與牛融鮑顯因共議入殿奏曰孝子之心無改父道征伐匈奴
屯戍西域先皇所建不宜回異帝聞言沉吟未決楊終復上奏曰秦築長城攻役繫興胡亥不革卒亡四
海故孝元棄珠崖之郡光武絕西域之國不以介鱗易我衣裳帝從之言未訖忽一臣趨殿奏曰安夷縣
吏略妻勒姐原卑南種羌之婦吏為其夫所殺安夷吏長宗延追之出寨種人見恐罪誅遂共謀暗殺宗
延而與勒姐及吾良二種相結為寇擾掠邊疆乞陛下傳旨發兵禦敵帝聞奏下詔著隴西太守孫純出

兵征討使者領旨急往隴西而去卻說孫純正在廳堂理事忽人報曰朝廷遣使來至純急罷公出接邀入後堂禮坐問曰使來何意使者具說所事純即發兵遣人往金城令起兵應自與從事李睦引軍五萬會於和羅谷口列陣對敵卑南出馬大叫漢將搦戰李睦聽言披掛上馬飛出陣前不與打話二將交鋒共戰二十合不分勝敗孫純策馬衝陣混殺征塵蔽日金鼓連天虜軍大敗走伏踐屍卑與孫純交馬戰未十合被純奮砍一刀削為兩段餘虜混走純率眾軍趕上大殺一陣斬首三千級獲其輜重不勝其數純遂收軍凱歌回府後詩贊曰 靈劍龍飛脫寶潭將軍扼腕虎眈眈指揮天地開經略驅逐風雲入笑談的擬萬全收塞虜果然一敵斬卑南煙塵一掃腥膻蕩奏凱停鞭謾駐驂是日孫純回至隴西府內大饗將士賞勞諸軍將卑南首級令人傳送京師帝見大喜即遣使持節拜純為征虜將軍賜金二百餘兩使者拜別上馬隴西而去卻說馬皇太后素愛躬履節儉事從簡約時兄馬廖為衛尉之職見太后朴素慮其美業難終乃上疏於長樂宮勸成德政表曰 臣按前世詔令以百姓不足於世尚奢靡故元帝罷服官成帝御浣衣哀帝去樂府然而侈費不息至於哀亂者百姓從行不從言也發之於中自與夫偽創者不同國政移風必有其本傳曰吳王好劍客百姓多創瘢楚王好細腰宮中多餓死長安語曰城中好高髻四方高一尺城中好廣眉四方且半額城中好大袖四方全匹帛斯言如戲有切事實前下制度未幾後稍不行雖或吏不奉法良由慢起京師今陛下躬服屨縵以去華飾素簡所安發自聖性此誠上合天心下合民望浩天之福莫尚於此陛下既已得之自然猶宜加以勉勸法大宗之隆德戒成哀之不終易曰不恆其德或承之羞誠合斯事一竟則四海誦德聲薰天地神明可通金石可勒而況於人心乎況於行令乎願置章坐側以當警人夜誦之音臣衛尉馬廖誠惶頓首百拜謹奉表上聞 太后覽表深喜納之由是朝廷大議國政每使眾臣詢訪於廖時魯國士人孔僖字仲和與崔篆孫駟為友極相善美一日同遊

太學講習春秋因讀吳王夫差時事僖廢書嘆曰若是所謂畫虎不成反類狗者也駟曰然昔孝武皇帝始為天子年方十八崇信聖道師則先王五六年間號勝文景及後恣己忘其前之為善僖曰書傳如此多矣時鄰舍生梁郁在傍接曰如此武帝亦是狗邪兩字便思開議摘發今駟默然不對郁怒恨之陰止書首告駟僖誹謗先帝刺譏當世之事帝怒下詔令有司拿究僖以吏捕方至恐罪誅責乃上書自訟書曰 臣之愚意以為盡言誹謗者謂實無此事而虛加誣之也至如孝武皇帝政之美惡顯在漢史坦

如日月是為直說書傳實事非虛謗之夫帝者為善則天下之善咸歸焉其不善則天下之惡亦萃焉斯皆有以致之故不可以誅於人也且陛下即位以來政教未過而德澤有加天下所見也臣等獨何譏刺哉假使所非實是則固應改儆其不當亦宜含容又何罪焉陛下不惟原人數深自為計徒肆私忿以快其意元異音臣等受戮死即死耳願天下之人必回視易慮以此事聞陛下心自今已後苟見不可之事終莫復言者矣臣之所以不愛其死猶敢與言者誠為陛下深惜此大業陛下若不自惜則臣何賴焉齊桓公親揚其先君之惡以唱管仲然後羣臣得盡其心今陛下乃欲以十世之武帝遠諱實事豈不與桓公異哉臣恐有司卒然見構銜恨蒙枉不得自叙使後世論者擅以陛下有以方比甯可復使子孫追掩之乎臣孔僖謹詣闕廷伏待重誅 帝覽書遂赦其罪乃封僖為蘭臺令史僖叩首謝恩而出卻說中郎將竇憲妹為皇后憲恃宮闈之勢以賤直請奪沁水公主田園主畏憲寵勢大不敢計較後帝駕出從其圍過帝指以問憲憲隱意而對發覺帝大怒召憲切責曰深思前過奪主田園時何用忿趙高指鹿為馬久念使人驚怖昔永平中常令陰黨陰博鄧疊三人相糾結諸豪戚莫敢犯法者而詔書切切尤以舅氏田宅為言今貴主尚見枉奪何況小人哉國家集寶如孤雛腐鼠耳言雖切實而王法終憲大震懼皇后未能行可為後戒為毀服深謝良久乃得解使以田還公主雖不計其罪然亦不授以重任二月帝東巡狩還魯幸闕里以

太牢告祠孔子及七十二弟子作六代之樂大會孔氏男子二十以上者六十三人命儒者講論語時孔
僖因帝大會乃自陳拜謝帝曰今日之會當於卿宗有光榮乎僖曰臣聞明王聖主莫不遵師貴道今陛
下親屈萬乘辱臨敝里此乃崇禮先師增輝聖道至於光榮非敢所承帝大笑曰非聖者子孫焉有斯言
乎遂陞僖為郎中賜褒成侯再賜孔氏男女錢帛今僖還京師東觀校書僖叩首謝恩即隨車駕還宮邱
說劉梁賞作破羣論時之覽者以為仲尼作春秋亂臣知懼今此論之俗士豈不愧心其文不存乃作辨
和同之論一篇以著於世 論曰 天事有違而得道有順而失義有動而為害有惡而為美其故何乎
蓋明智之所得闇偽之所失也是以君子之於事也無適無莫必考之以義焉得由和與失由同起故以
可濟否謂之和好惡不殊謂之同春秋傳曰和如羹焉酸苦以劑其味君子食之以平其心同如水焉若
以水濟水誰能食之琴瑟之專一誰能聽之是以君子之行周而不比和而不同以救過為正以匡惡為
忠經曰將順其美匡救其惡則上下和睦能相親也昔楚恭王有疾召其大夫曰不穀不德少主社稷失
先君之緒履楚國之師不穀之罪也若以宗廟之靈得保首領以歿惟是春秋寔寔之事所以從先君於
祖廟者請為靈若厲大夫許諸及其卒也子囊曰不然夫事君者從其善不從其過赫赫楚國而君臨之
撫有南海訓及諸夏其寵大矣有是寵也而知其過可不謂恭乎此是東京第一文辭大夫從之此違
而得道者也及靈王驕淫暴虐無度羊尹田亥從王之欲以殯於乾谿殉之二女此順而失義者也鄢陵
之役晉楚對戰陽谷獻酒子反以斃此愛而害之者也臧武仲曰孟孫之惡我藥石也季孫之愛我美疢
也疢毒滋厚石猶生我此惡而為美者也孔子曰智之難也有臧武仲之智而不容於魯國亦有由也作
而不順施而不恕矣蓋善其知義識其違道也夫知而違之偽也不知而失之闇也闇與偽其患一也患
之所在非徒在智之不及又在及而違之者矣故曰智及之仁不能守之雖得之必失之也夏書曰念茲

在茲庶事恕施忠智之謂矣故君子之言動則思義不為利回不為義誠進退周旋惟道是務苟失其道
則兄弟不阿苟失其義雖仇讎不廢故解狐蒙祁奚之薦二叔被周公之害勃鞞以逆文為成付瑕以順
厲為敗管蘇以憎忤取進申侯以愛從見退考之以義也故曰不在逆順以義為斷不在憎愛以道為貴
禮記曰愛而知其惡憎而知其善考義之謂也昔文翁老蜀道著巴漢庠桑瑣隸風移喂礪吾雖小宰猶
有社稷苟赴期會理文墨宣本志乎 論罷乃作大講書舍延聚生徒數百餘人朝夕親往勸究講辨而
義明試殿策儒化大行由是此邑至后尤稱其教焉帝聞梁名下詔拜為尚書郎使與僖等共校書史梁
謝恩出是日帝傳勅旨令大司徒袁逢將黃榜張掛受納天下賢士能上計者袁逢領旨出朝即將黃榜
掛訖卻說洛陽西縣一人姓趙名壹字元叔體貌魁梧身長九尺美鬚良眉望之正偉而恃才倨傲得罪
於鄉黨擬之以死友人謝承力救得免壹乃貽書謝友之恩 書曰 昔原大夫贖桑下絕氣傳稱其仁
秦越人還號太子結脈世著其神設囊之二人不遭仁神則結絕之氣竭矣然而補脯出乎車鈴鍼石運
乎手爪今所賴者非直車鈴之補脯手爪之鍼石也乃收之玉斗極還之於司命使乾肉復含血枯骨復
被肉允所謂遺仁運神真所宜傳而著之余畏禁不敢班班顯言竊為窮鳥賦一篇其辭曰有一窮鳥戢
翼原野罩網加上機穿在下前見蒼集後見驅者微彈張石昇子設左飛丸激矢交集於我思飛不得欲
鳴不可描畫難狀舉所畏觸搖足恐墮內獨怖急乍水乍火幸賴大賢我矜我憐昔濟我南今振我西鳥
也雖頑猶識密恩內以書心外用告天天乎祚賢歸賢永年且公且侯子子孫孫 又作刺世疾邪賦以
舒其怨憤曰 伊五帝之不同禮三王又不同樂數極自然變化非是故相反駁德政不能救世溷亂賞
罰豈足懲時清濁春秋時禍敗之始戰國愈復增其荼毒秦漢無以相踰越乃更加其怨酷甯計生民之
命惟利己而自足於茲迄今情偽萬方佞諂日熾剛克消亡詭疢結駟正色徒行姬媯名勢撫拍豪強偃

蹇反俗立至咎殃捷倖逐物日富月昌渾然同惑孰温孰涼邪夫顯進直士幽藏原斯瘼之攸與實執政之匪賢女謁掩其視聽近習秉其威權所好則鑽皮出其毛利所惡則洗垢求其癩痕雖欲竭誠而盡忠路絕險而靡緣九重既不可故又羣吠之信信安危亡於旦夕肆嗜慾於目前奚異涉海之夫拖積薪而待燃營納由於閃榆孰知辨其蚩妍政法屈撓於勢族恩澤不逮於單門甯飢寒於堯舜之荒歲不飽暖於當今之豐年何慙乘理雖死而非亡違義雖生而非存 謝承覽其書賦嘆曰趙生誠大才也而掘掩未用良可惜哉時有秦客者在承家見壹之辭賦乃為作詩一首以嘆之 詩曰 河清不可俟人命不可延順風激靡草富貴者稱賢文籍雖滿腹不如一囊錢伊優北堂上翫罷倚門邊令人讀之直欲拍案 時魯生聞此辭繫亦為作歌而嘆之曰 勢家多所宜咳唾自成珠被褐懷金玉蘭蕙化為芻賢者雖獨悟所困在羣愚且各守爾分勿復空馳驅哀哉復哀哉此是天命與借秦客魯生皆良言也我亦欲 卻說趙壹聞京師出榜舉辟上計即喚妻謂曰吾少力游於學廢寢忘餐欲為顯親揚名奈世態炎涼輕文賤藝所以屈志未伸淹埋塵世今聞朝廷出榜招納天下英才能上計者吾欲往走一遭妻意若何妻曰夫子數年命運蹇薄故淹未遇今既欲赴可推時運若何壹曰然也即往東街巷鋪求發課算忽遇一相士坐市談術壹與施禮謂曰吾數年淹屈於家功名未成就煩煩先生一相可望否乎相士聞言遂令解衣周身視罷乃曰賢士休怪庸言敢伸直道壹曰無妨請依形斷相士曰依愚直判賢士貴不過郡吏職不過驛丞壹不聽遂償其錢而回妻急出問其故壹曰言今年大貴發迹妻喜即別而往既至哀逢令吏悉入時上計者數百餘人皆拜伏庭中莫敢仰視壹獨長揖而已逢望壹異令左右責之曰下計郡吏而揖三公者何也對曰昔酈食其長揖漢王今揖三公何遽怪哉逢聞其言慌忙下席執壹之手同坐於上乃問西方之事何如壹具所答逢大奇之顧謂坐中曰此人西縣趙元叔也朝廷莫有過之者吾請

為諸君分坐坐者皆屬視之及辭逢親送出府外二人揖別壹遂往謁河南尹羊陟不能得見壹思公卿中非陟無足以托名者次日又往至其後衙令人入報陟尚卧未起壹徑入堂上言曰久仰高風故來參謁屢未得見而忽然奈何命也因舉聲大哭其門下壹乃人故為狂士驚駭皆奔入滿側陟知壹非常人乃起身整冠出迎施禮畢壹曰賤謁貴故難能見陟赤頰而答曰非敢自許奈寒疾不可以風故慢殊甚願勿為咎壹曰吾之不過魯侯天也豈可怨乎陟大奇之二人遂別明日陟大從車騎回謁趙壹見諸計吏多盛飾車馬帷幙而壹獨柴車草屏露宿其傍乃嘆曰壹真賢士也壹知陟至急接延坐車下左右莫不感嘆陟與壹談至晚極歡而去乃執其手謂曰良璞不剖必有泣血以相明者矣言罷遂別陟與袁逢共稱薦之於是趙壹名動京師士大夫想望其風采壹名未遂而還道經弘農太守皇甫觀者不令通見壹遂遁去門吏入見太守具告所事觀聞壹名大驚乃追書以謝之書曰 蹉跌不回企德懷風虛心委質為日久矣側聞仁者美譽區區冀承清誨以釋遠懷今旦外白有一尉兩計吏不道屈尊門下更故乃知己去如印綬可投夜宣待旦惟君明睿平其夙心甯當慢傲加於所天事在悖惑不足具責倘有原察追修前好則何福如之謹遣主簿奉書下筆氣結汗流竟趾 壹覽書即修一封與其主簿回報書曰君學成師範縉紳歸慕仰高布驥歷年滋多旋轅兼道渴於言侍沐浴晨興昧旦守門實望仁兄昭其懸遲以貴下賤握髮垂接此句秀高可敷玩墳典起發聖心下則抗論當世消弭時災豈悟君子自生急倦失恂恂善友之德同亡國驕情之志蓋見機而作不俟終日是以夙退自引畏使君勞昔人或歷說而不遇或思士而無從皆歸之於天不猶於物乎壹自諱而已豈敢有猜仁君忽一匹夫於德何損而遠辱手筆追路相尋誠足愧也壹之區區曷云量己其嗟可去謝也可食誠則頑薄實識其趣但關節反動膝炎壤漬請俟他日乃奉其情輒誦來既承以自慰 皇甫觀覽書嘆曰趙生誠賢士也奈何命乎於是州郡爭

致禮迎皆不就遂遁去後以壽終於家由是觀之果如相士之言戊子正月帝崩年三十一皇太子肇即位年十歲六月和帝登位文武拜畢忽一臣趨殿奏曰北匈奴飢亂寇入邊界擾掠生民陛下將何治之帝聞大驚急召文武商議眾臣默然無計可設時竇太后聞知親自臨朝和帝急下迎接問曰娘娘何意太后曰吾聞匈奴入界汝等眾臣無所治決故來共定計破帝欣然問曰娘娘何計太后曰自古匈奴難與善治若不威加之乘間擾害可令竇憲領軍往伐以絕將來帝曰娘娘言者甚當即以竇憲為車騎將軍耿秉為先鋒班固為末將與精兵三萬北伐匈奴三將領旨即日引兵上馬而往徑望北夷進發數日方至憲謂秉曰匈奴勢敗必望稽落山走汝可分兵一萬往彼埋伏再令班固領軍一十於稽落高處探望見與單于搆戰待其敗至班固舉旗為號耿秉伏兵齊起截往去路吾兵追襲首尾相擊必可破矣眾將皆曰此計甚妙遂各分兵去訖卻說匈奴單于知漢兵至即起大軍三十餘萬分作兩道並出至燕然山下兩軍相遇單于出馬頭頂冲天冠身穿青鍪甲手執丈八神槍坐下烏龍馬立於陣前大呼漢軍搆戰竇憲聞言急披掛上馬躍出陣前不與打話令卒擂鼓二將交鋒約戰十合單于抵敵不住敗陣回走竇憲趕上溫禺王急出當頭截住二馬相交戰不三合被竇憲一刀連人帶馬削為兩段單于見勢不利引軍急走竇憲躍馬趕上至稽落山下班固將旗展開耿秉伏兵齊出截往去路日逐王當頭衝陣被耿秉大喝一聲砍於馬下單于勒馬復回竇憲追至前後夾擊虜眾大潰單于拚死殺開血路遁走而去竇憲率兵追擊諸部趕至私渠北靺大破之斬其各王已下一萬三千餘級獲生口馬牛猪羊橐駝數萬餘頭於是溫犢頰日逐溫吾夫渠王柳提等八十一部率眾降者八十餘萬憲乘遂登燕然山去塞三千餘里刻石勒功紀漢威德令班固作銘曰 維永元元年秋七月大漢元舅車騎將軍竇憲寅亮聖明登翼王室納於大麓惟清輯熙乃與執金吾先鋒耿秉述職巡御理兵於朔方英揚之交螭虎之士壯氣可謂

竇憲爰該六師暨南單于東烏桓西戎羌侯王君長之羣驍騎三萬元戎輕武長轂四方雲輜蔽路萬有生色三千餘乘勒以入陣莅以神威玄甲耀日朱旗絳天遂陵高闕下雞鹿經績鹵絕火漠斬溫禺以擊鼓血尸逐以染鐔然後四校橫徂星流慧掃蕭條萬里野無遺寇於是域滅區單反旆而旋顯驗圖窮覽其山川遂踰涿郡跨安侯秉燕然躡冒頓之區落焚老上之龍庭上以摠高文之宿憤光祖宗之玄靈下以安固後嗣恢招境宇振大漢之天聲茲所謂一勞而久逸暫費而永甯者也又封山刊石昭銘上德辭曰 鑠玉師兮征荒裔剿凶虐兮截海外復其邈兮亘地界封神丘兮建隆碣熙帝載兮振萬世 是日憲等振旅還京入朝見帝具奏所事帝大喜令開府庫賞勞軍士其所將諸部每二千石子弟從征者悉除太子舍人封憲為冠軍侯食邑二萬戶篤為郎侯景為汝陽侯壤為夏陽侯各食六千戶悉叩首謝恩惟憲不受封辭帝引兵出鎮涼州憲以北虜微弱思欲滅之二年正月憲大會諸將謂曰北虜雖服心無傾向倘其威盛即動驕邊莫若乘其勢弱淨掃除之以杜漢朝之患諸公若何眾將皆曰此言極當憲大喜是日宴罷即遣右校尉耿夔與司馬任尚及末將趙博等中分麾下精兵三萬北擊匈奴夔等遵命上馬引兵而去既至屯下營寨來日決戰卻說北虜單于正會匈奴飲宴忽小軍報曰漢帝又遣校尉耿夔引兵復來侵害吾國陛下將何治耶單于聞言大怒罵曰頗奈小將不時加害今若不除此賊誓不回兵言罷披掛上馬勒領匈奴大軍五萬餘騎出寨迎敵行至金微山下兩軍相遇單于出馬大叫曰漢將不怕死者出陣耿夔大怒急奔上馬任尚大聲言曰將軍休出待小將先斬單于提首來獻言罷提槍上馬飛出陣前擺勢搆敵單于謂曰汝主何是不仁吾肯體征納貢庶擾黎民今又故來犯界欺人太甚小寇早下拜降保留殘命倘若抗拒碎首分屍尚大罵曰癡軀賊奴不思皇天厚賦一統劉君豈容胡虜混世言罷二人交馬戰上二十餘合不分勝敗耿夔趙博雙出夾擊金鼓齊鳴喊聲震地虜軍大敗東投西竄無路

可逃斬將殺軍屍填坑滿單于撞出逃走不知所在餘虜皆散獲遂收軍而還回至京州入見竇憲具言獲勝之事實憲大喜急令排宴賞勞諸軍次日班師回朝見帝具奏所事帝大喜重賜金帛珍寶憲謝恩出朝於是憲平北虜之後威名益盛以耿夔任尚為爪牙鄧疊郭璞為心腹班固傅毅之徒皆置幕府以典文章刺史守令多出其門尚書僕射鄧壽樂恢並以忤意相繼自殺朝臣莫不震懼望風承旨而篤進位特進得舉吏見禮依三公景為執金吾瓌為光祿勳權貴顯赫傾動京都雖俱驕縱而景為尤甚奴客緹騎依倚形勢侵陵小人強奪財貨逼取罪人之妻虜掠良家之女商賈閉塞如避寇讎有司畏懼莫敢舉奏太后聞知即傳旨減景之爵使無橫為獨瓌少好經書節約自修太后愛之明哲保身之道出為魏郡遷造州太守時竇氏父子兄弟並居列位充滿朝廷叔父霸為城門校尉霸弟褒將作大匠褒弟嘉為少府其侍中將大夫郎吏十餘人皆屬竇氏憲負重勞陵肆日甚四年封郭疊為獲侯疊與其弟步兵校尉郭磊及射聲校尉郭舉舉父長樂少府瓌皆相交結舉出入禁中得寵太后遂共圖為殺害帝陰知其為謀大恐急召中常侍鄭眾定計誅之眾曰陛下既欲是行可先令執金吾校尉勒兵屯於衛南北宮閉四城門下詔收憲大將軍印綬權封冠軍侯使無疑意陛下再行親自出北宮收捕疊瓌舉然後召憲等入帳不與言談講論即令擒下縛縛就國誅之易如反掌何難之有帝依眾計密詔校尉勒兵屯伏車駕即至北宮先捕疊瓌舉四人皆繫於獄令執金吾任尚誅殺家屬詔下追憲印綬封為冠軍侯令武士擒下憲等大聲叫曰小臣建立大功蕩除邪穢今無罪過陛下何得負心帝曰天無負汝之意汝何結黨陰謀欲叛朕乎憲曰臣無是意陛下何誣人邪帝不聽令將陷入囚車押還宮斬車駕至殿帝以太后之戚故不欲明誅憲等何古功高寵大而能保首領者幾乃詔辨士鄭眾逼令自殺眾領勅令卒推出前宮謂曰聖旨著汝速殺免受刑迫憲曰聖上何是忘恩凶奴入界滿朝文武默然無一人敢死出敵憲獨

監軍蕩滅毒瘵不生今國享優游而賢臣受戮天何存乎眾曰汝雖建立大功然恃勢驕橫侵刻小民不思漢王重爵位品公侯返交內外黨戚陰謀欲叛今罪應宜速死尚且飾非揜佞而懷恨君王憲聞其言低首無語遂自縊而死眾即入殿奏聞所事帝傳旨竇氏宗族賓客人等以憲手為官者皆罷歸本郡惟瓌自修不被逼迫詔封羅侯

第一百十二回 烈女承恩繼史書

卻說班固以竇氏賓為憲橫為捕固繫獄而死有妹名昭字惠姬嫁與同郡曹壽為妻曹卒而昭居新寡博學高才撫養子成固嘗著漢書其入表及天文志未竟帝聞昭才乃下詔徵入令就東觀藏書閣踵而成之後帝常召入宮令皇后諸貴人親奉為師號昭曰大家每有違方貢獻異物輒詔大家作賦頌九月皇太后竇氏崩帝遂追母梁氏貴人為皇后以梁竦三子俱封為侯梁氏自此盛矣十二月帝崩有少子隆始生百餘日即皇帝位八月帝崩太后臨朝召眾臣議曰帝今已崩無子嗣位且國家不可一日無主朕欲迎清河王劉慶之子劉祐繼君卿意若何眾臣答曰娘娘所言極當太后大喜遂遣使安車往迎使者拜別上馬前行數日方至令人報知王令召入參見禮畢王問曰使者為何而來答曰為孝殤皇帝崩世無子嗣位太后娘娘特遣小臣車來迎大王幼君祐殿下繼統山河願大王早發赴京以慰娘娘之望王大喜令宴使者次日天曉王召劉祐至殿囑曰今聖上崩後無嗣位太后令安車迎汝繼統務欲清政約刑蘇活四海謹先王之法則立萬世之綱常無使驕淫縱佚國政荒亡惕惕於心厲精求治身致太平永安社稷祐曰父王言命豈敢背違但子庸弱難當是位願父王明以教導言訖拜別登車王親送出郭外父子分首文武郡臣遮道簇擁護駕前行州縣官吏紛紛迎接祐傳令旨與來使先回京報使者領命飛奔入朝奏知太后太后大喜急傳令文武安排香花出城遠接眾臣遵旨整笏上馬迎至安陽縣界遙

望旌旗簇擁護駕而來眾各跪伏道傍呼迎萬歲祐曰來者何臣答曰臣乃鄭眾梁竦等奉鄧太后娘娘勅命遠勞車駕迎接慢遲乞陛下姑宥祐聞大喜令各前導車駕至朝太后迎入後宮令司天監擇日登位是日安帝登殿太后親臨攝政羣臣朝罷加封鄧騭為上蔡侯悝為葉侯弘為西平侯閻為西華侯各食邑萬戶騭為定策高功增邑三千戶文武各封贈訖騭等趨上辭曰臣等兄弟愧無大功何應是爵願陛下別賜為榮太后不許騭等遂退次日復上疏於長樂宮自陳 疏曰 臣兄弟汗穢無分可採過以外戚遭值時明託日月之末光被雲雨之渥澤並卿列位光昭當世不能宣贊風美補助清化誠慙誠懼無以處心陛下躬天然之姿體仁聖之德遭國不造仍罹大憂開日月之明運獨斷之慮援立皇統奉承太宗聖策定於神心動烈垂於不朽本非臣等所能萬一而猥推嘉美並享大封伏聞詔書驚惶慙怖追想前世傾覆之時退自惟念不寒而慄臣等雖無逮及遠見之慮猶有庶幾戒懼之情常母子兄弟內相勅厲冀以端慙畏慎一心奉戴上天恩下保性命刻骨定分有死無二終不敢橫受爵土以增罪累惟窘征營昧死陳乞看鄧騭此疏敬畏恐懼不敢居於功深得成臣之體太后苟有保生之心所當原准也惜其不能 太后覽表傳旨飛下不容再奏是日安帝設朝文武拜畢忽梁竦越班奏曰臣聞羌胡作叛已入中土搖蕩西州人民塗炭士馬遭殘陛下急將何治帝聞奏大驚急問眾臣計將安出滿朝公卿各皆恐懼無所對答帝即罷朝入宮告問太后太后曰此事無妨遂下詔令鄧騭監領左右羽林北軍五校及諸部將兵擊之鄧騭領軍即日勒兵前往車駕幸平樂觀親自把酒餞騭西行飲罷君臣分別騭至漢陽屯下次日天曉召征西校尉任尚謂曰今日進兵與羌決戰彼敗必望前岡奔走汝可分兵五萬往其坡下埋伏吾與從事中郎司馬鈞夾襲羌胡待其敗至汝急令卒展旗招起伏兵首尾相擊必可破也太后寵任內戚大非所言罷各遵去訖卻說羌胡聞漢兵至急引眾將披掛上馬出寨迎敵兩軍相遇鄧騭出馬不與打話令卒擂鼓二將交鋒約戰十合

羌胡抵敵不住撥馬回走司馬鈞見胡敗陣張弓赶上望其首將一箭射落馬下羌主力戰不利急望前山岡走騭等催軍後襲任尚見其將至今卒展開旌旗坡下伏兵齊起任尚挺戈當頭截住一人交馬戰不數合被任尚大喝一聲斬羌王於馬下隨後鄧騭趕上首尾相擊羌胡大敗殺得屍橫山積血漲河流溝壑坑渠堆填墮滿餘羌卸甲各奔逃散騭等獲其輜重馬牛不可勝數遂令鳴金收軍入城安歇即設大宴賞勞軍有詩為證 威武桓桓算妙謀提兵一戰破羌胡旌旗指日回中土千古瞻大丈夫

第一百十三回

鄧騭託親辭避辱

卻說鄧騭班師振旅還京帝以太后外戚故遣五官中郎將迎拜騭為大將軍軍至河南帝使大鴻臚親迎以中常侍齋牛酒郊勞王主以下侯望於道即至帝宴大會羣臣重賜鄧騭束帛乘馬騭謝恩出於是寵靈顯赫光震都鄙騭以母憂乃上書長樂宮乞身歸養時大家班昭在宮謹禮嚴憚太后臨朝每與聞治政事以昭出入之勤特封其子成為開內侯太后得見請辭之書不欲許之顧問於昭昭乃上疏以陳之 疏曰 伏惟皇太后陛下躬盛德之美隆唐虞之政闢四門而開四聰采狂夫之瞽言納蕩蕩之謀慮妾昭得以愚朽身際盛明敢不披露肝膽以效萬一妾聞謙讓之風德莫大焉故典墳述美神祇降福昔夷齊去國天下服其廉高泰伯違郊孔子稱為三讓此皆以光昭令德揚名於後者也婦氏之賴於論語曰能以禮讓為國於從政乎何有由是言之推讓之誠其致遠矣今四舅深執忠孝引身自退而以方陸未靜拒而不許如后有毫毛加於今日恐誠惟讓之名不可再得緣見逮及故敢昧死竭其愚情自知言不足采以示蟲螳之赤心 太后覽昭之疏深服從之遂下詔書令騭等各還里宅第馬由是益嘉昭譽昭疾乃作文誡內助之訓七篇以示諸女

第一百十四回

班昭誡女欲全倫

辭曰鄙人愚暗受性不敏蒙先君之餘寵賴母師之訓典年方十四執箕帚於曹氏於今四十餘載矣戰戰兢兢常懼黜辱以增父母之羞以益中外之累夙夜劬心勤不告勞而今而後乃知免耳吾性疎頑教導無素恆恐子谷負辱清朝聖恩橫加猥賜金紫實非鄙人庶幾所望也男能自謀矣吾不復為憂也但傷諸女方當適人而不漸訓不聞婦禮懼失容他門取恥宗族吾今疾沉滯性命無常念汝曹如此每用惆悵因作女誡七章願諸女各寫一通庶有補益裨助汝身矣其勸勉之 卑弱第一 古者生女三日卧之床下弄之瓦磚而齋示告焉卧之床下明其卑弱主下人也弄之瓦磚明其習勞主執勤也齋告先君明其當敬主繼祭祀也三者蓋女之常道禮法之典教矣謙讓恭敬先人後己有善莫名有惡莫辭忍辱含垢常若畏懼是謂卑弱下人也晚寢早作勿憚夙夜執務私事不辭劇易所作必成手迹整理是謂執勤也正色端操以事夫主清靜自守無好戲笑潔齊酒食以供祖宗是謂繼祭祀也三者苟失之何名稱之可聞黜辱之可遠哉 夫婦第二 夫婦之道參配陰陽通達神明信天地之私義人倫之大節也是以禮貴男女之際詩著關雎之義由斯言之不可不重也夫不賢則無以御婦婦不賢則無以事夫夫不御婦則威儀失缺婦不事夫則義理墮廢方斯二者其用一也察今之君子徒知妻婦之不可不御威儀之不可不整故訓其男檢以書傳殊不知夫主之不可不事禮義之不可不存也但教男而不教女不亦蔽於彼此之數乎禮八歲始教之書十五而至於學女獨不可依此以為則哉 敬慎第三 陰陽殊性男女異行陽以剛為德陰以柔為用男以強為貴女以弱為美故鄙諺有云生男如狼猶恐其尪生女如鼠猶恐其虎婦人如虎如狼男子如鼠如鼠然則修身莫若敬避強莫若順故曰敬順之道婦之大禮也夫敬非他持久之謂也夫順非他寬裕之謂也持久者知止足也寬裕者尚恭下也夫婦之好終身不離房室周旋遂生媒續媒續既生語言過矣語言既過縱恣必作縱恣既作則侮夫之心生矣此由於不

知止足者也夫事有曲直言有是非直者不能不爭曲者不敢不訟爭訟既施則有忿怒之事矣此由於不尚恭下者也婦可恨侮夫不節謹呵從之忿怒不止楚捷從之夫為夫婦者義以和親恩以好合楚捷既行何義之存謹呵既宣何恩之有恩義既廢夫婦離矣 婦行第四 女有四行一曰婦德二曰婦言三曰婦容四曰婦功夫云婦德不必才明絕異也婦言不必辨口利辭也婦容不必顏色美麗也婦功不必工巧過人也清閒貞靜守節整齊行己有恥動靜有法是謂婦德擇辭而說不道惡語時然後言不厭於人是謂婦言興浣塵穢服飾鮮潔沐浴以時身不垢辱是謂婦容專心紡織不好戲笑潔齊酒食以待賓客是謂婦功此四者女人之大德而不可乏之者也然為之甚易惟在以心耳古人有言仁遠乎哉我欲仁斯仁至矣此之謂也 專心第五 禮夫有再娶之義婦無二適之文故曰夫者天也天固不可逃夫固不可離行違神祇天則罰之禮義有愆夫則薄之故女憲曰得意一人是謂永畢夫意一人是謂永訖訖由斯言之夫不可不求其心然所求者亦非謂佞媚苟親也固莫若專心正色禮義居潔耳無塗聽目無邪視出無冶容入無廢飾無聚會羣輩無看視戶門此則謂專心正色矣若夫動靜輕脫視聽陔輸入則亂髮壞形出則窈窕作態說所不當道觀所不當視此謂不能專心正色矣 曲從第六 夫得意一人是謂永畢夫意一人是謂永訖欲人定志專心之言也舅姑之心豈當可失哉物有以恩自離者亦有以義自破者也夫雖云愛舅姑云非此所謂以義自破者也然則舅姑之心奈何固莫尚於曲從矣姑云不爾而足固宜從令姑云不爾而非猶宜順命勿得違戾是非爭分曲直此所謂曲從矣故女憲曰婦如影響焉不可傷和 叔妹第七 婦人之得意於夫舅姑之愛已也舅姑之愛已由叔妹之譽已也由此言之我臧否譽毀一由叔妹叔妹復不可失也皆莫知叔妹之不可失而不能和之以求親其蔽也哉自非聖人鮮能無過道故顏子貴於能改仲尼嘉其不貳而况婦人者也雖賢女之行聰哲之性其能備

乎故室人和則謗掩內外離則惡揚此必然之勢形易曰二人同心其利斷金同心之言其臭如蘭此之謂也夫妹者體敵而分尊恩疏而義親若淑媛謙順之人則能依義以篤好崇恩以結媛使徽美顯變而暇過隱塞勇姑矜善而夫主嘉美聲譽曜於邑鄰勿乖義驕盈既施何和之有恩義既乖何譽之臻是以美隱而過宣姑忿而夫愠毀譽布於中外恥辱集於厥身進增父母之羞退益君子之累斯乃榮辱之本而顯否之基也可不慎哉然則求叔妹之心固莫尚於謙順矣謙則德之柄順則婦之謂也 著罷

令諸女近侍習讀昭為逐一分解甚是明白馬融聞而善之亦令妻女從習四年春月昭卒壽年七十大后親被素服舉哀甚切即使北軍五校載喪出葬傳旨為立祠堂永享春秋祭祀後傳稱昭為烈女

總評 吾輩一生活語可傳便足不特以婦人而垂訓千古者乎如大家者不特婦人不如即男子亦不如不特一時之男子不如即千百世以上千百世以下之有鬚眉有胸腹者俱不如不特千百世上下之男子不如即吾亦不如即吾亦不如

卷九

第一百十五回 詔出朝歌民政治

卻說朝歌羣賊甯季等數千餘人並起擾掠劫害良民攻殺長吏屯聚連年州縣不能禁捕時河南諸郡太守各使詣京上章請發兵拒帝聞大驚急問太后曰今朝歌賊叛搖動郡州奈我將寡兵衰不能上陣禦敵將如之何太后曰既然如此宜速出兵莫使民遭塗炭可復徵鄧騭為帥監軍往伐方可破之帝遂下詔遣使復徵鄧騭使者領勅勒騎徑至其門下馬令人報知騭出迎接邀入禮坐令設宴相待騭於席間問曰使者何事答曰為朝歌賊反無人堪任太后娘娘特徵大人往收服之願大人急赴無拒騭聞言暗思虞詡原相觸忤惡無可奈遂乘隙以譖陷之即日同使人朝見太后奏曰臣舉一將

可鎮服之太后曰何將騭曰見任中郎虞詡文武兼備有牧民禦眾之才非此臣莫可任也願陛下詳察太后准奏遂傳旨封詡為朝歌長與兵三萬出鎮羣賊虞詡領勅將行故舊親戚皆送帛之詡笑曰事不避難臣之職也不過盤根錯節無以別利器此乃吾立功之時也何懼之有言訖遂別上馬前行數日至縣陞堂而坐召諸將入廳分付令設三科以募求壯士有能攻劫者為上傷人偷盜者次之不事家業者為下眾各遵命去訖是日收納百數餘人詡令設宴饗會悉赦其罪詡謂眾曰汝等投入賊中詐降順服至夜放火燒劫其寨吾伏兵外應破除此賊保封重用眾皆遵諾而去卻說甯季等正聚羣賊議論進攻之事忽人報曰寨外有投軍者久立伺候未敢擅入乞大王發令季令召至眾皆隨入跪伏帳下季問曰汝等何方軍人答報名姓答曰吾等本省人也小人姓李名丹鳳餘各載冊乞大王姑納為用季令俱為帳外步卒巡哨轅門鳳等應諾而出與眾議曰準備今晚接應至夜二更詡領眾軍披掛上馬出至其寨分兵圍住鳳等知至即入甯季及諸軍帳外舉營放火砲響一聲詡軍齊殺入寨驚起羣賊各各奔竄不識東西詡等攪撞混殺金鼓連天甯季急望東出逢詡當頭截住約戰五合季敗回急走引眾軍拚死撞出虞詡率兵趕上大殺一陣斬首數百級獲其輜重不可勝數夜半聞聲詡遂收軍入城安歇甯上有詩讚曰 將軍威武振朝歌猶勝征南馬伏波殺氣寒雲昏戰地丹心烈日照山河馬前不有書生諫月下應知賊虜摩可笑當時權鄧驚空謀虛望白雲過 卻說甯季走至鳳凰岡上豎起高旗招聚眾兵復相擾害日間交替入城窺聽消息夜間聚屯結寨劫掠良民詡知乃召貧民能縫衣者至謂曰汝等潛往賊內傭作衣裳以紅采之線縫其裾下為號後重賞賜縫者領命即往賊內叫作衣裳賊聽皆爭為服縫者遂依詡計悉為寧米於次日回縣報知所事詡大喜賞其白銀十兩縫者拜謝而出詡遂令軍遍街巡察凡

賊入市者悉認擒之由是賊皆駭散咸稱其明朝歌縣界悉收平服太后聞知嘆曰謂誠有將帥之才安民之略遂遣使持節陞為武都太守使者至令人報知謂急整衣接詔宣罷著使回朝次日領軍之任行至陳倉峭谷忽聽坡後砲響一聲羌虜數千踴出當頭截住甯季衝過謂即停軍不進而令卒宣言上書請取救兵待到則發羌虜聞言即退分散傍縣而去謂因其兵散去催軍前進日夜兼行百數餘里令吏士各作兩寬日增倍之使羌聞之不敢追逼直言上書取兵所謂先聲以畏其知兵或問曰昔孫臏滅甯而君增之兵法日行不過三十里以戒不虞而今日且二百餘里何也謂曰羌虜眾多吾兵寡少徐行則易為所及速進則彼所不測虜見吾寬日增必謂郡兵來迎眾多行速必憚追我孫臏見弱吾今示強勢有不可同也何是言哉於是虜皆震恐莫敢加兵近迫數日謂至武都州縣官吏各持羊酒迎賀謂俱不受滿城百姓咸稱其清次日遣使至京上表奏聞捷略表曰覆載之間生民總總有君則安無主則亂天命有德歷世相傳而順天者存逆天者亡所以運有長短國有興衰此古今之明鑒也欽惟皇太后陛下天錫神智德合乾坤四海沾恩萬方蒙化故能豫制於萬全是以功成於莫測近日朝歌遺孽崛起騷州不肯歸德陛下顧命臣率馬步兵卒追討臣竭力平服境界既清人民共樂復蒙加職武都臣即就任緣道經峭谷而路阻羌胡臣故宣言請救虜騎聞氣膽寒增寇厲兵威揚萬里日夜兼行數百以避不虞晨昏運策示強用喪羌胡之魄遂致身甯撫綏黎庶是皆陛下聖德神威恩沾四表不費寸兵之勞卒收其效臣本無禦侮之才過受闡外之寄仰奉神算幸底成功尚祈宣布皇仁輯安於眾邊庭無警萬方仰中國之尊華夏奠安兆庶享承平之福 太后覽表深嘉納之顧謂羣臣曰羌胡之禍中國其來久矣歷觀前代受其疲蔽遭其困辱深有可恥今羣虜一定豈獨國家無夷狄之憂實天下生民之福也眾臣皆頓首稱賀遂令光祿寺大開宴會羣臣滿朝惟知稱功頌德耳誰肯出死力破虜乎

次日悉朝謝恩八月皇太后鄧氏崩壽六十二葬於慎陵山

第一百十六回 閣臨攝職國臣荒

卻說安帝少辨聰明故鄧太后立之及長多不相德而乳母王聖見太后久不歸政慮有廢置常與中黃門李閻伺候其左右宮女先有受罰者心懷忿怒今見鄧后崩世乃於帝前誣言告曰鄧后娘娘在日暗與鄧悝鄧弘鄧閻及尚書鄧訪欲謀害陛下復立平原王德為君臣等欲告陛下奈其貴寵禁不敢言願陛下聖明詳察遠斥奸臣以為後世法帝聞大怒急令有司上奏言悝等大逆不道傳旨廢隴西平侯廣宗葉侯廣德西華侯忠陽安侯珍都鄉侯甫德皆為庶人以驚未與通謀但免特進遣令就國宗族人等皆免官罷職歸鄉鄧等資財田宅悉追收之從鄧訪及家屬流於遠郡令郡縣官吏逼迫廣宗及忠等皆自殺死又徙封鄧為羅侯于是驚與子鳳並恨不食而死驚之從弟豹為河南尹遵為度遠將軍舞陽侯暢為將作大匠知驚等廢罷而死亦皆自殺惟廣德兄弟以母閻氏為后得留京師時大司農朱寵痛驚無罪遇禍乃為肉袒輿襯上疏追訟 疏曰 伏惟和熹皇后聖善之德為漢文母兄弟忠孝同心憂國宗廟有主王室是賴功成身退護國遜位歷世外戚無與為比當賜福善復謙之祐而橫為宮人單辭所陷利口傾險反亂國家罪無申證獄不訊鞠致鄧驚等罹此酷濫一門七人並不以命尸骸流離怨魄不反逆天感人卒士喪氣陛下宜收還家次罷樹遺孤奉承血祀以謝亡靈臣寵冒犯戰慄天庭 由是眾士大夫俱為驚稱枉罪帝意頗悟乃發州郡護驚之屍還葬洛陽北芒舊塋滿朝公卿會其喪者莫不為之悲泣詔遣使者為立祠廟以太牢告祀令其諸從昆弟皆歸京師直至此時始知冤枉矣 乙丑三月帝崩壽三十二 鄧說閻氏太后久欲專奪國政而負立幼主安帝崩後親攝臨朝召弟閻顯入宮議曰國家大事不可久荒無主奈太子庸弱難當國政吾欲迎立濟北惠王之子北鄉侯懿為嗣可繼否乎顯曰娘娘所言正

合臣意然國家傳位所嗣得宜苟非其人則政亂易矣豈庸常哉今娘娘獨能深謀遠慮足為萬世之法
太后大喜遂遣使者往北相迎使者至懿即赴京太后急令安排筵宴迎接入殿乙丑八月懿即皇帝位
冬十月而薨十一月中常侍孫程王康等一十九人聚於德陽殿謀議立君之事孫程謂曰太后同顯攝
朝迎立北鄉侯懿未滿百日而薨乃其天數然也非人致之且上古國家流傳正業若先帝無子庶幾可
嗣况太子寤致為王而立他人以失禮乎且太子深明善政誠為有德吾欲迎而立之諸公若何眾皆然
諾遂令使者往迎濟陰王保立嗣為君數日車駕臨京文武香花接入扶上龍床即皇帝位羣臣舞蹈山
呼禮畢遂封孫程王康等一十九人皆為列侯詔下收捕閻顯王岳當殿處斬徙遣太后閻氏于離宮不
聞政事

第一百十七回 强乘入朝辭懦主

卻說楊倫為安帝崩世奔喪號泣闕下不絕悲聲閻太后聞而怒之以其專權擅政故抵罪于獄順帝即
位知倫被陷詔下免刑留行喪事于恭陵服闋徵拜侍中郎時邵陵縣尹任嘉在職貪穢因遣武威太守
有人上章奏嘉贓罪千萬帝怒徵還考覈凡所牽染將相大臣百有餘人若在今日豈止百有餘人倫乃上書為其追
訟書曰 臣聞春秋誅惡及本本誅則惡消振表持領領正則毛理今任嘉所坐狼藉未受辜戮猥以垢
臭改典大郡自非案坐舉者無以禁絕奸萌往者湖陸令張豐蕭令駟賢徐州刺史劉福等豐穢既彰咸
伏其誅而豺狼之吏至今不絕豈非本舉之主不加之罪乎昔齊威之霸殺奸臣五人并及舉者以弭誘
讞當斷不斷黃石所戒夫聖主所以聽庸夫匹婦之言者猶虛加高岱務集淮海雖未有益不為損也惟
陛下留神省察納直庸言 遇有司以倫言切直辭不遜順下之尚書入殿宣奏言倫探知其重不宜坐
罪并訟書呈上于帝帝覽書詔下以倫數進忠言特原之免嘉刑罪罷歸田里由是朝廷莫不稱倫之善

一年帝思南陽逸士樊英遣使齎策書徵之時樊英少受業三輔習京氏易圖魚明五經之義名著海內
隱于壺山之陽受業者四方而至州郡前後禮請不應公卿舉賢良方正有道皆不行初安帝聞其賢名
徵之不就嘗有暴風從西方起英謂學者曰城都市上火起甚盛言罷舍水一口向西方而噴曰以此救
之眾乃寫下日時記其果否後數日有從蜀都來者皆曰是日大火忽有黑雲從東而起須臾大雨降下
火遂得滅于是天下咸稱其神一日正與諸儒講議經略忽人報曰朝廷遣使來至英遂出案交拜禮畢
延坐于上問曰大人此來何意使者即將策書度與英接覽畢謂曰聖上錯矣求士安邦必順雄才明智
之士吾乃一村庸耳豈足是責使者答曰主思賢士高名先帝未能屈下心懷繾綣不能自已故遣小使
來迎匡扶國政願賢士早赴無拒英固辭不下乃托疾篤以拒之使者遂回入朝見帝具奏所事帝乃下
詔州郡令切責之英不得已而赴及到京稱病不起故强乘輿入殿見帝猶不肯屈帝怒謂英曰朕能生
君能殺君能貴君能賤君能富君能貧君何以慢朕命之甚耶英曰臣受命於天生盡其命天也死不
得其命亦天也陛下焉能生臣焉能殺臣臣見暴君如見仇讐立其朝猶不肯可得而貴乎雖在布衣之
列環堵之中晏然自得不易萬乘之尊又可得而賤乎陛下焉能貴臣焉能賤臣臣非禮之祿雖萬鍾不
受若申其志雖簞食不厭陛下焉能富臣焉能貧臣是為矯語巖穴有吐氣帝曰季齊朕終不能下汝耶遂敬其名
而使出就太醫養疾月致羊酒以待數日帝令設壇席使尚書奉引賜几杖侍以師傅之禮延問得失英
不敢辭遂拜五官郎中英初被詔命眾皆以為必不降志南郡王逸素與英善因與其書多引古譬喻勸
使就聘及後應對又無奇策談者以為失望時河南張楷與英俱徵既就而謂英曰天下有二道出與處
也吾前以子之出能輔是君也濟斯民也而子始以不訾之身怨萬乘之主及其享受爵祿又不聞匡救
之術則進退無所據矣能無英不答朝廷以其善術每有災異帝輒召問變復之效英所對言多有效

驗由是益深愛之帝又聞廣漢楊厚江夏黃瓊之賢亦下詔徵厚即隨使至京入朝見帝禮畢厚預陳漢
三百五十年之厄以為戒帝善即拜厚為議郎厚謝恩出黃瓊將至時翰林博士李郃之子李固少辨好
學常改易姓名杖策驅驢負笈從師不遠千里究竟墳籍為世大儒每到太學密入公府定省父母不令
同業諸生知其為郃子也原與黃瓊相善知瓊就聘乃作書以遺之書曰君子謂伯夷隘柳下惠不
恭不夷不惠可否之間聖賢居身之所珍也誠欲遂枕山棲谷擬迹巢由斯亦可矣若當輔政濟民今其
時也自生民以來善政少而亂俗多必待堯舜之君此為士行其志終無時矣嘗聞語曰峴峴者易缺
而毀謗布流應時折減者豈非觀聽望深聲名大盛乎是故俗論皆言處士純盜虛聲願先生弘此遠謨
令眾人仰服一雪此言爾瓊覽書微微而笑乃藏入於袖同使入朝見帝拜畢亦授議郎之職後復遷
為尚書僕射

第一百十八回 理輪當道劾奸臣

次日順帝設朝文武拜畢瓊出班奏曰陛下即位已數年矣不可久曠內事可選有德者立為皇后以正
諸姬帝准奏下詔以貴人梁氏為皇后忽尚書左雄上疏奏言吏治曰昔宣帝以為吏數變易則下不安
業久於其事則民服教化其有政治者輒以璽書封勉屬增秩賜金公卿缺則以次用之是以吏稱其職
民安其業漢世良吏于茲為盛今典城百里轉動無常各懷一切莫慮長久臣愚以為守相長吏惠和有
顯效者可就增秩勿移徙帝感其言復申無故去官之禁而宦官不便終不能行雄又上言孔子曰四十
而不惑禮稱疆仕請自今孝廉年不滿四十不得察舉陛下不可以此而論若有茂材異行如顏淵子奇
者不拘年齒而可舉之帝聞奏深納其言時廣陵太守所舉孝廉徐淑年未四十有臺郎官以雄之言詰

之淑曰詔書言有如顏淵子奇者不拘年齒是故本部以吾充塞即不能屈左雄詰之曰昔顏回聞一知
十孝廉聞一能知幾耶淑無以對雄遂上殿具奏所事帝傳旨罷淑不用以雄公直精明能審數真偽決
志行之以胡廣出為濟陰太守與諸郡守十數餘人皆坐謬舉勉黜惟考實汝南陳蕃潁川李膺下邳陳
球等三十餘人得拜郎中餘下悉無可取自是郡守皆畏懼莫敢輕舉人才次日帝引公卿所舉茂樸之
士於洛陽宣德亭使之對策李固出班對曰陛下之有尚書猶天之有北斗也斗為天之喉舌尚書亦為
陛下喉舌北斗斟酌元氣運乎四時尚書出納王命賦政四海所以權尊事重責之所歸宜審擇其人以
毗聖政帝甚然之即罷還朝權陞固為泰山太守梁商為大將軍各謝恩出數月梁商薨以梁冀為大將
軍八月帝遣杜翊周舉周玨馮美樂巴張綱郭遵劉班分行州郡入使受命各出之任惟張綱行至洛陽
都亭思念國家權任俱入梁氏之手貪暴恣虐疾侮賢能忽然恨起乃將所乘車輪令卒理於亭下數日
豺狼當道安問狐狸言罷即行至任數日遣人劾奏大將軍梁冀及河南尹不疑以主外戚蒙恩貴顯勢
壓朝廷而轉肆貪饕縱恣無極疾害忠良謹條其欺君之心五事斯皆臣子所切齒者也書御京師公卿
莫不震慄咸羨綱直時梁氏皇后貴寵方盛諸梁姻族佈滿朝廷帝雖知綱直言而亦不能用也卻說廣
陵羣賊張嬰等聚黨相叛寇亂州郡擄掠民財揚徐間積十餘年二千石不能制服帝聞急召梁冀商議
時冀恨張綱無由計害因奏帝曰廣陵賊勢盛大非其人難以服之臣舉一將立便成功帝曰卿舉何將
冀曰見任曹州郡守張綱是也有鬼神不可測之機萬夫不敢近之勢非此將莫能使也陛下可遣綱為
廣陵太守鎮納賊兵庶使百姓安甯國家優樂願陛下聖鑒帝聞奏大喜曰卿言正合朕意遂遣使往徵
綱還使者領勅上馬而去卻說張綱正在公堂理事忽小軍報曰朝廷遣使來至久待府外未敢擅入請
太守傳令綱聞急整冠帶出府迎接邀入後堂禮坐問曰愚無分善可悉何郡公屈駕降而顧寒乎使曰

聖上念君賢德久未高遷故遣小使召駕還朝同匡國政願君早赴無拒網大喜設宴相待次日天曉眾卒擺道二人上馬還朝數日而入殿見帝山呼禮畢帝謂綱曰朕聞廣陵賊叛無將可行故特召卿往伐以絕黎庶之災願勿憚勞早安朕望綱曰臣食君祿須盡死忠但無孫呂之謀蕭韓之策今國既遇難豈敢自逸而憚勞哉臣即願往帝大喜遂與精兵五萬親送上馬出行綱曰臣聞柔能勝剛弱能勝強孟守出師者多請騎兵今綱獨幾於勝真丈夫也遂親送于午門之外分別而去帝亦還宮却說張綱自引數十吏士趨步前行數日方至身無寸刃徑詣嬰壁壘門嬰聞大驚急走閉壘綱于門外罷遣吏兵獨留所親者數十餘人以書喻嬰請與相見嬰見綱書至誠無偽乃出拜謁邀入帳下延至上座綱警之曰前後二千石多肆貪暴故致公等懷憤相聚二千石信有罪矣然為之者一人非義也今主上仁聖欲以文德服叛故遣區區以爵祿相榮不願以刑罰相加今誠轉禍為福之時也誠信之言說得懇切迫又何憤及於嬰聞而泣曰荒裔愚民不能自通朝廷不堪侵枉遂復相聚偷生若魚遊釜中則不可久且以喘息須臾間耳今聞明府之言乃嬰等更生之辰也遂分別還營次日嬰召諸將謂曰今漢主勅遣張綱以德歸吾並未以兵加迫真所謂仁聖之君也吾等莫若早順享受封爵免黎民之塗炭士卒之苦勞汝等若何眾將聞言皆願誠服嬰大喜遂與所部萬有餘人造詣綱門請降綱大喜急下迎入令卒大開筵會宴勞其軍後人有詩以讚綱曰 玉驄單轡出神京不用貔貅百萬兵到處重宣動恤意坐令民庶樂昇平 是日宴罷綱即遣使回京具奏所事帝大喜即令來使持節回郡拜授綱為大將軍之職并賞軍銀二萬餘兩八月帝崩於後宮太子炳即皇帝位年二歲梁太后抱之臨朝

總評

每閱忠臣青天白日心事憑肝披膽情詞萬死不回氣概令人飲盡十斗

第一百十九回 埋金貴德傾京市

八月帝崩無嗣太后遣使徵渤海孝王鴻之子續即皇帝位時廣漢新都一人姓郭名純字少林嘗詣京師于空舍中見一書生疾困憇而視之謂純曰我當日河陽而被此病命在須臾腰下帶有黃金十斤願贈與君吾死後乞與埋葬骸骨肫未及問其姓名遂絕而死純即賣金一斤買棺為葬餘金悉置於棺下不使人知後歸數年縣宰見肫大度以為亭長肫初到日忽有大馬一匹走入亭中而止須臾大風又飄綉被一條復墮肫前肫即言之於縣縣以賜肫後乘馬到雒縣馬遂奔走引肫入至他家此世上自書主人見之喜曰今獸盜出矣顧問肫馬所由肫具訴說其狀并得綉被之事主人聽罷悵然良久乃曰馬與綉被大風飄攝吾謂亡矣君何陰德而致此二物耶肫曰吾因往京路逢空舍中有一書生病困於內聲號慘切吾遂近視問之其書生即將黃金十斤出度於吾言彼死後代為安葬未問姓名而死吾只賣金一斤買棺為葬餘金悉藏棺下未動分毫主人曰書生何如面貌肫言如此如此形像主人大驚泣曰是我子也姓金名彥前往京師不知所在何勞君力葬之大恩久未得報故天以此彰君之德耳豈庸常哉肫聽所言悉以馬被還之彥父不取又厚以金帛酬謝肫辭讓而去後彥父為州從事因告新都縣令假肫休息數日與俱取彥之喪縣令許之彥父遂同肫往遷取彥喪餘金果悉存下由是肫名傾動京師李固聞其賢德遂舉為之次日入朝奏知太后太后准奏詔除肫為郿縣令肫被詔命即馳登任道經棗亭天晚入宿亭長告曰亭內常有妖鬼出現數殺過客大人不可宿也肫曰妖勝凶邪德除不祥何鬼之避即入止宿分付吏卒各退就宿肫獨一人坐於正亭明燭觀書至夜二更聞有女子稱冤之聲肫厲聲言曰有何枉狀當前理訴人之剛直者鬼神正畏之女子曰身無衣蔽不敢進言肫即投衣與之女子穿上跪前訴曰妾夫為涪令之官過宿此亭夜被亭長無狀謀殺妾家十數餘口埋於樵樓之側悉盜妾家財

貨寃蔽無伸今幸青天下降明燭萬方願大人思濟於憐照臨覆蔽妾雖泉下當結草以相酬矣肫曰亭
長何姓名也女子曰即今門下游微是也肫曰既然如是汝又何故數殺過客女子曰妾因不得白日自
訴每夜入此陳客客輒眠不聽分解妾故憤恨殺之也肫曰吾當為汝理寃再勿復害良善而增怨惡女
子聽言叩頭謝恩解衣於地忽然不見此類事雖近奇異往次日天曉肫召游微詰問微具服罪肫即收
微及同謀十數餘人悉繫下獄遣吏發其屍骸送歸鄉里於是亭遂清安而民稱其德三月質帝登位聞
肫異政遂遣使持節拜為廣陵太守使者即往而去

第一百二十四回 切齒忠言表佞臣

四月帝令郡國舉明經者俱詣太學講釋精義是日旨下文武悉赴時涿郡安平一人姓崔名琦字子璋
文章博覽貫徹古今初舉孝廉為河南尹後遷議郎之職在學與眾講辯甚是明決諸儒莫能及自是遊
學日益增盛至二萬餘人皇舅大將軍梁冀聞琦善才請與結交琦至府參見禮畢冀即延於書館每日
與談經義冀素行多不依軌琦數引古今成敗之事以戒之冀不能受琦乃作外戚之辭以箴之遠稽唐
虞三代興衰之由近述列國喪亡之故辭極詳明剴切弟逆耳之言冀終不能受也辭曰 赫赫外戚華
寵煌煌昔在帝舜德降英皇周興三母有莘崇湯宣王晏起姜后脫簪齊桓好樂衛姬不音皆輔主以禮
扶君以仁達才進善以義濟身爰暨末葉漸至頹廢貫魚不叙九御差池晉國之難禍起于驪惟家之索
牝難之晨專權擅愛顯已蔽人陵長間舊把剝至親並后匹嫡淫女斃陳匪賢是尚番為司徒荷爵負乘
采名都向詩人是刺得用不悅暴卒感婦拒諫自孤蝠蛇其心縱毒不辜諸父是殺孕子是割天怒地忿
人謀鬼圖甲子昧爽身首分離初為天子後為人嫡非但耽色母后尤然不相率以禮而競獎以權先笑
後號卒辱以殘家國泯絕宗廟燒燔妹嬉喪夏褒姒斃周妲己亡殷趙靈沙丘威姬人豕呂宗以敗陳后

作巫卒死於外霍欲鴆子身乃懼廢故曰無謂我貴天將爾擢無恃常好色有歇微無怙常幸愛有陵遲

無曰我能天人爾違惠生不德福有順機日不常中月盈有虧履道者固伏勢者危微臣司威敢告在斯

梁冀見之呼琦問曰百官於內各有司存天下云云豈獨吾人之尤君激刺之過乎琦曰昔管仲相齊

樂聞譏諫之言蕭何佐漢乃設書過之吏今將軍累世臺輔任齊伊公而德政未聞黎民塗炭不能結納

貞良以救禍敗反欲鉗塞士口杜蔽主聽將使玄黃改色馬鹿易形乎冀怒無所言對即遣琦出除為臨

濟長琦懼不敢之任乃解下印綬辭歸而去後人有詩曰 忠言誠切齒觸動虎狼威不敢沾榮顯遂巡

解印歸 卻說梁冀見琦切齒之言心懷忿恨一日陞堂悶坐思欲害之乃召帳下小軍王班至廳謂曰

吾有一事托汝幹之汝意若何班曰將軍有何使令小人敢死願往冀曰為崔琦無知欺海上意辭官歸

里宴享高歌特令汝為刺客陰害其命倘獲成功保加重用班曰久蒙將軍厚恩未能得報今欲殺崔琦

雖死前行冀聞大喜遂親把酒送出郭外分別班即扮雜一客腰藏短劍躡步前行數日方至見琦耕于

陌上懷書一卷息輒僵而詠讀班哀其志乃以實告琦曰梁冀將軍恨君激切之言遣吾暗行殺害今見

君賢智情懷不忍君可急自逃避吾亦以此亡矣言訖拔劍自刎而死琦見大驚長聲歎曰此真烈丈夫

也忽思恐冀聞害遂遁而去冀後令人竟捕殺之卻說質帝聰明辨慧能察奸非知冀素行不律疾害賢

能陰捕崔琦刺殺一日朝會文武拜畢帝目視冀曰此跋扈將軍也朝罷眾臣各退梁冀歸府獨坐忿恨

帝言已惡甚痛惡之遂令左右置毒煮於餅中次日早朝冀獨上殿跪而進之帝食未將半時不能言時

眾公卿李固等知冀毒害欲以水進救之梁冀斬之不與帝苦煩甚遂絕而崩滿朝文武莫不於嘆俱在

冀之勢下畏不敢言冀遂出迎靈吾侯志即皇帝位時年十五歲太后亦自臨朝攝政事

第一百二十一回

忠言觸佞含冤獄

六月帝以光祿勳杜喬忠直復陞為太尉時朝自李固之廢內外喪氣羣臣側足而立莫敢為敵惟喬正色無所回撓由是朝野皆倚望焉九月京師地震帝召太尉杜喬至殿問曰此何異也對曰地震者蓋為朝廷失政天怒忿生以降災異我王可備香燭追悔舊過祈降新祥使百姓咸安國家永固帝准奏令有司整集香花列於午門之外自引百官臨壇親祭帝仰天祝曰大漢皇孫劉志負天重賦繼嗣皇帝自新即位以來未經善治不知何過所及致使地震京師人民懼怨願天早賜太平撫安黎庶祝罷北向而拜潰泉南上一陣風過地震即止帝曰果爾神明不可欺也遂罷還宮而去卻說梁冀正府中自歎身名顯貴勢壓朝綱文武公卿莫敢與抗惟杜喬李固二人輒責其過思欲誣害以絕身尤次日入朝見梁皇太后奏曰國家雖正二害尚在若不早除恐後悔無及太后問曰何二害也冀曰議郎李固太尉杜喬今與二賊劉鮪交通暗藏兵器於庫欲叛朝廷奪謀社稷乞陛下聖鑒太后素知喬固之忠不從非諛之謗遂面叱梁冀拂袖還宮冀見太后忽拒大慚而退回府悶坐妻問不答乃自思曰是吾錯矣國家權柄俱係吾掌又且帝庸弱羣臣莫敢聲言生死由於我手何待詔乎遂傳令收固下獄逼繫而死可恨後人讀史歎曰讀罷遺編恨未伸奸臣自古害忠臣九重日月朝昏霧萬里江山畫掩塵黃葉空祠棲息鳥青山高冢臥麒麟夕陽西下猿啼處花落寒塘野寺春次日冀使人脇逼杜喬曰早從自死妻子可全若有拒辭誅夷九族喬聞大罵欺天逆賊不思食漢重爵貴顯朝廷返毒弒君而擅專權柄今尚貪未足欲侵劉氏江山誣害忠良欲專行事恨不能斬除此賊以絕漢世之患雖泉下亦瞑目矣冀聞大怒急令猛將擒喬下獄逼繫而死後人有詩感歎 報國捐軀分所當中興社稷漸銷亡精靈充塞乾坤老名姓傳留翰簡查冤獄含愁春草碧荒碑無字雨苔蒼至今遺像丹青在古木寒鴉送夕陽

第一百二十二回

德政清羣致治平

小軍黃章謂曰吾有一事欲令汝幹能建奇功當加重用章曰將軍何事冀曰頗賴卿尊無理謗毀上官吾久欲絕之奈無是人今使汝為刺客陰殺害以復深讎章曰將軍既是欲行小人願死當往冀大喜密言囑託章遂拜別出外腰藏短劍直往邠府去至其門首門吏問曰汝來何幹章曰梁冀將軍差來謁見邠府吏曰邠府退公歇息可俟升堂入稟告謁章曰吾領機密急事須入後報說何得阻慢上耶吏遂放入章至後堂潛躲于案下至夜二更專獨秉燭危坐玩取黃公三略之法見其預料之機條條有序深加感愴不自止息章待良久見無人侍遂杜藏身鋒刃潛至其後望尊脇下一刺叫聲而絕奸惟用心可恨可恨尊妻驚覺大喊有賊令軍急關府門遍街搜捉黃章見勢迫急忙向後牆爬走又被巡軍邏往捉著其足綁押送到廳跪下尊妻問曰汝何奸賊素與無仇安敢夜潛相府刺我尊公早依直供出免受重刑章曰小人大恩姑留殘命尊妻聞言大怒罵曰奸讒冀賊欺主戕忠吾夫素與無仇何得行此毒害雖臨泉下與汝難休言罷放聲大哭幾悶絕地喝令門吏將章重責四十棍監候對証次早天曉尊妻入朝見帝具訴前寃帝聞大怒罵曰欺天讒賊不念朕以汝為外戚官高貴顯勢滿朝廷專意貪殘橫肆暗害忠良毒殺先帝而欺朕弱情實難容遂召中常侍單超徐璜黃門令員瑗小黃門史左館唐衡等至殿定計誅之于此猶能有為惜其所用非人是以冀及妻壽聞事露發滿朝文武悉被其害自知不能逃過嘆曰天賦難除而權歸閹宦漢祚竟移悲夫 冀及妻壽聞事露發滿朝文武悉被其害自知不能逃過嘆曰天亡我也即日與妻皆繫而死帝降旨令單超徐璜等取冀錢貨及其田宅俱追入官超璜等遂點百數餘人往冀府內收檢凡得金銀三十餘萬獻入朝廷帝令分錢一萬以充王府應用餘者悉令縣官分濟小民及其田園以業貧者減天下租稅之半桓帝初詔下眾遵去訖次日超等至殿復命帝令即下詔加封單超徐璜員瑗左館唐衡五人為縣侯各謝恩出稱超等謂之五侯又封大司農黃瓊為太尉是時新誅

梁冀天下想望異政造項首居公位乃舉劾州郡素行貪污至死徒者十餘人由是海內翕然稱其善德汝南范滂少厲清節博學雄辯黃瓊舉為侍中帝以其清詔使按察冀州帝親送出午門之外滂登車攬轡慨然有澄清天下之志帝歎曰范生真賢士也遂別而去滂傳令跟護吏卒前途不許騷擾需索民財如違令者即斬眾皆應諾而起於是凜然震肅聲動山川有詩為証 玉驄金轡出華京綉豸峨冠休罷榮一道風霜行處肅動搖山嶽鬼神驚 數日按臨冀州滂考察官吏黜陟賢否并遣放囚徒皆無不當凡所至州郡太守邑宰有貪贓汚暴者聞其清名皆望風解印辭歸而去于是州縣咸稱令德各持羊酒迎勞滂視毫物不受按遍諸州還京復命卻說尚書令陳蕃上疏薦五處士豫章徐穉彭城姜肱汝南袁闕京兆韋著潁川李膺等為仕 眾賢舉舉欲治而以言語標榜竟爾取敗於下鄙人也 帝准奏傳旨令使安車支繡備禮徵聘使者領旨即與十數吏兵上馬而往先至豫章令人報知徐穉急出迎接邀入草堂禮坐使者見穉動止奇異言語非常乃曰久聞賢士令名果無虛譽今愚荆會勝撥霧覩天倘沐奇緣尚容請誨穉曰吾乃山野村夫但以耕農為志無一識之可稱分善之可采大人何譽之過耶令幸大人不棄微賤屈降寒廬使予暗室生輝蓬門頓米是予幸中之幸也豈尋常哉但不知大人此來有何貴諭使曰尚書陳蕃與君素善故知君才大德特舉薦為聖上令予備禮安車迎接願君早期嘉會無吝蓄心穉曰蕃見錯矣所舉者要在得宜則上不負朝廷之望下可以慰生民之託今愚一村庸耳豈當其任竟辭不就使者見其堅不就聘遂辭拜畢別往彭城而去穉後隱居避名不見于世 卻說姜肱一日獨耕于隴上輒息時懷書坐于草坡詠讀忽見前山一位官長擺道而來行將至近肱急躲開一傍俟其車過官長見肱手持經書即下車騎施禮 五處士乃係千古高人並非徒盜虛聲者可與此倫也 肱曰敢問大人何處官長答曰吾乃朝廷欽使欲訪姜肱一會敢託賢君指示其宅何方肱曰前面竹林莊下草房便是官長遂謝而去肱見其使訪已慌忙潛往家中整飾

帝知梁冀殘害喬固二賢情懷不忍以其太后貴戚勢滿朝廷不敢聲言悶坐宮中吁嗟不已十一月桓帝登殿文武拜畢帝下詔百官令舉獨行之才輔參國政尚書李膺被詔遂將黃榜張掛各州招納天下賢士時涿郡太守舉薦本府一人姓崔名實有安邦濟世之才扶危治亂之策及各郡舉者悉赴京師應對惟實知君庸弱信任權臣犯法者不誅有罪者不坐故欲避名遠辱稱病不對退居閒暇歎論世情乃作衰世之論一篇名曰正論辭曰 凡天下所以不治者常由人主承平日久俗漸敝而不悟政治衰而不知為天下者自非上德嚴之則治寬之則亂何以見其然也近者宣皇帝明於君人之道審於為政之理故嚴刑峻法破奸軌之胆天下晏如海內清肅計見效優於孝文及元帝即位多行寬政卒以墮損威權始奪遂為漢室基墜之主政道得失於斯可鑒昔孔子作春秋褒齊桓管仲之功夫豈不美文武之道哉誠達權救敝之理也故聖人能與世推移而俗世苦不知變以為結繩之約復可治亂秦之緒干戚之舞足以解平城之圍夫熊經鳥伸雖延歷之術非傷寒之理呼吸吐納雖度紀之道非續骨之膏蓋為國之法有似治身平則致養疾則攻焉夫刑罰者治亂之藥石也德教者興平之梁肉也夫以德教除殘是以梁肉治疾也以刑罰治平是以藥石供養也方今承百正之敝值屈道之會自數世以來政多思貸馭委其轡馬駘其御四牡橫再皇路險傾方將相勒韃韃以救之豈暇鳴和鸞清節奏我昔文帝雖除內刑常斬右趾者素市答者往往致死是文帝以嚴致平非以寬致平也 論罷遂歸隱遠教授生徒時山陽申長統嘗見其書歎曰凡為人主宜寫一通置之坐側是日帝納羣所舉者凡三十餘人各授爵位悉皆謝恩而退忽尚書李膺趨殿奏曰臣聞泰山瑯琊郡賊公孫舉等作叛聚眾三萬餘人侵州據縣劫選擇能治劇者監軍出伐膺領旨即召司徒韓詔至府交拜禮畢詔曰大人有何事見召膺曰瑯琊賊叛

騷動邊城郡守討之數年未能克服聖上詔吾選舉雄才捷見者往收滅之吾以君韜略閑熟智識超人故託往羸鎮撫君幸無拒詔曰為人臣子當竭死忠雖銳鋒之刺熱鼎烹之而不知身之有也况小敵何可懼哉愚但庸弱無才今蒙聖上之命大人之舉敢效寸節以表微誠詔之願也膺大喜遂與精兵三萬出為羸縣之長送出郭外分別而去卻說叛賊公孫舉知詔兵至乃謂眾曰吾聞韓詔素行賢德今漢為羸縣之長撫恤良民若再加兵攻劫是吾不識人也遂戒眾軍不許妄入羸境詔至乃令開倉以賑濟之斗級跪進告曰倉中積粟以待本縣飢者此乃郡流民大人何賑之乎詔曰長活溝壑之人而以此獲罪使其含笑入地矣何為不可眾皆稱服而退時泰山太守素知詔名竟無所坐詔與同郡荀淑鍾皓陳實皆嘗為縣長所至以德政服人時謂之潁川四長羸縣自詔至後純用德政教化所以民歌樂業獄無訟聲詔之令德者聞於天下矣後人有詩讚曰 銅章黑綬映朱輪百里花村政化明民俗安和無外事一簾香霧韻琴清

總評 使治天下皆如四長活照之理何難再見

卷十

第一百二十三回 貴戚一門貪愈恣

是日桓帝登殿文武拜畢李膺趨上奏曰臣領陛下勅命選舉司徒韓詔出為羸縣之長盜賊聞其盛德俱感罷歸乞陛下傳旨獎勅使後凡為臣者竭力於公帝准奏傳旨遣使賞封國書拜詔為大將軍之職賜金百兩緞疋五十使者即往而去卻說梁冀為帝外戚一門前後七侯三皇后六貴人二大將軍大夫女食邑稱君者七人尚公主者三人其餘卿將尹校五十七人惟梁冀擅專國柄凶恣日積秉政幾二十年威行內外外戚之盛王莽又見于此天子拱手聽言不得有所親與時議郎郎尊當以直言劾冀其懷恨一日召

衣冠出接使者望見笑曰君何詐乎肱曰田中蹠蹠豈見長之儀二人大喜攜手並入直履草堂施禮延置上坐肱曰寒微野士何幸屈降龍輿增輝茅室使曰尚書陳蕃聞君克人故上疏天廷舉君護國詔令愚下卑禮相迎乞早登車騎以慰主上求賢之意肱曰國家梁棟須宣盛德者為之吾乃一山農野士豈有安天下之志哉固辭不就使者見不能下數息而起肱遂送出莊前二人拜別使者登騎徑往河南進發前行數日將近其地沿途詢問表闕之家得牧童指引幸至其門闕知託稱疾為不起使妻出問使者具說所事妻一一對答是日天曉留使歇息置酒款待俱以貧薄之風次早使者遂別復往之京兆却說韋著一日于館中閒坐乃作夜窗吟一律以自舒豁辭曰 更深坐久燭光短人靜紅爐火初暖朔風吹得簷簷寒碎點霜華上銀管攬衣拭目雁行細梅稍月到松稍霽敲冰化水澆醉腸寫向吟窗敲寒氣鼓聲凍損聲不動別院人添翠衾重筆尖欲挽陽和回蝴蝶無情入春夢朝來閒倚欄杆立忽聽林鴉報晴日殷懃細讀中夜詩一笑雲邊亂山出 歌罷復吟詩一律 幽居瀟灑絕塵侵獨坐庭前得趣深且喜往來無俗客一襟清思付閒吟 吟罷忽人報曰朝廷欽使來至著遂整冠出接邀入草堂施禮尊于上坐謂曰貧居俗士何幸屈駕而增輝乎使曰朝廷不幸佞疾叢生自梁冀擅政以來國綱日息忠臣遭其毒妬良善屈其非戕今冀奸雖滅而善政未陳故此招求賢士續挽仁風尚書陳蕃知公令德上疏陳廷舉公振治願即隨行慰君之望著曰吾聞古之君子邦有道則仕邦無道則隱隱非君子之所欲也人莫已知而道不得行羣邪共處而害將及己今梁冀雖滅罷除宦貴奸貪猶盛國領權綱大勢已去雖有經天緯地之才亦莫能振之况愚一俗子哉使曰賢公差矣豈不聞古人云治亦進亂亦進今公抱經濟之才而不能見用於世亦枉然也何固執之若此耶使亦著曰唐虞治世尚有巢由今愚不仕非爵各有所志大人何至迫耶使者歎息而起著送出外二人拜別再往潁川而去卻說李膺知使將至亦托疾篤不

起使母出對交拜禮畢延于上坐問曰貧野孤村何幸大人屈顧使者具說所事其母答曰蒙恩勅聘萬幸之致但小兒疾篤未可知有負大人之勞將何如耶使曰令郎既疾天數然也何是說乎遂拜辭別上馬回京暗思五賢之志無一於私不勝稱美英雄所見略同次日至京入朝見帝具奏不就之事帝默然吁歎又聞安陽魏桓之賢亦遣使備禮徵之使者即往將至桓知不出其鄉族之人皆勸之行桓曰夫干祿以求進以行其志也今後宮數千其可損乎廐馬萬疋其可減乎左右權豪其可去乎眾皆對曰不可桓乃慨然歎曰使桓生行死歸於諸子何哉遂隱而去

第一百二十四回 張奐風威寒虜膽

使者見其遜隱不出即日回京復命卻說朝廷自誅梁冀之後權勢專歸宦官單超徐璜俱左綰唐衡五侯尤貪縱恣傾動內外一日帝臨朝會從容問于侍中爰延曰朕何如主也對曰陛下為漢中主一薛其如宋帝曰何以言之對曰尚書令陳蕃任事則治中常侍黃門與政則亂是以知陛下可與為善可與為非帝曰昔朱雲廷折欄檻令侍中面稱朕過敬聞闕矣遂拜為五官中郎將卻說會稽太守劉寵為官清白簡除煩苛禁察良法於是郡中大治帝聞徵為郎將作大匠時本郡山陰縣五六老叟自若耶山谷間出聞寵還官敬齋百錢送寵曰山谷鄙生竊見前任太守吏士貪污每發搜索民間至夜不絕或犬吠竟夕民不可安自明府下車以來狗不夜吠民不見吏愚等年老遭值聖明不勝萬幸今聞明府還任故自扶奉相送願鑿愚等微意寵曰吾無善政相及何致公等勤苦餽送吾何安受叟等虔告寵即選一大錢受之餘悉還父老叟等拜別而去寵至京加為大鴻臚之職九月復陞為司空卻說南匈奴單于主一日朝會謂眾臣曰頗奈漢朝先帝不仁吾國累受其害切齒之仇未能伸也今桓帝庸弱信任權臣不能禮賢敬士國勢漸傾吾欲乘釁起兵滅之以復先朝之恨可行否乎眾皆答言曰當行單于大喜遂令左

谷蠡王點起匈奴十萬與諸部並叛烏桓鮮卑等寇緣邊郡搖動西州司空劉寵知急奏帝曰南匈奴單于通結諸部烏桓鮮卑等叛已入中界寇掠邊民乞陛下急將何治帝聞大驚顧謂寵曰卿何計焉寵曰自古匈奴難以善治必須以威迫之使有傾服帝曰然遂封張奐為北中郎將與兵十萬北擊匈奴張奐領旨即點二軍披掛上馬前行旌旗蔽日塵土遮天騎兵步千里不絕數日方至立起營寨次早與陞軍帳召諸將謂曰匈奴兵勢雖大並無謀慮昔日匈奴並無謀慮今日夷虜更勝于中國當事者果有奇計否吾等分作兩隊兵進一隊與之攻戰一隊劫其營寨縱不能破滅亦使垂手清閒不能復戰眾皆曰將軍神算也遂著中郎將爰延分兵三萬緣山遠谷而進不使匈奴知覺俟其出後即入攻劫延遵去訖奐自引軍於鴈門關下排陣立戰單于知漢兵至亦與十萬匈奴分作兩陣而進左谷蠡王當頭單于居後至關下兩軍相對張奐出馬頭頂金練鳳尾盔身穿絳袍銀鎖甲手提雁翎刀腰繫獅蠻帶跨上追風赤馬躍出陣前大叫鞞鞞戰左谷蠡王聞言飛奔上馬立於陣前謂曰小將何名敢來對敵奐曰吾乃漢王柱臣北中郎張奐將軍是也吾漢有何負汝今故來犯界以討死子蠡王罵曰狼野小將不禁三合之敵敢出大言早下馬降免遭劍死張奐大怒提刀躍馬直取谷蠡二人交戰二十餘合不分勝敗令卒擂鼓輪刀再戰忽人報曰漢將爰延舉火劫攻營寨大王可速救谷蠡大驚急回單于收軍回救只見滿營火發燒騰騰空正欲進兵被爰延大喝一聲當頭截住兩軍混戰金鼓連天隨後張奐追至首尾相擊匈奴大敗走者衝懷踐足戰者棄甲丟兵血漲河流屍橫山積谷蠡折死殺開血路救出單于去訖奐等獲其輜重谷粟牛馬不勝數日遂令鳴金收軍入寨安歇次日張奐陞帳召諸將謂曰匈奴戰敗無食必回本國吾等雖勝一陣不可以恃當乘勢攻之以摧其氣使不敢再加兵犯邊分付眾軍飽食披掛上馬分作兩隊出塞至關下埋伏待其經過首尾擊殺卻說左谷蠡王保出單于走至松崖坡下高樹虜旗招集諸部匈奴傷折大半單于甚憂乃謂

眾曰慢中小兒奸計傷我大兵奪我輜重如之奈何谷蠡進曰陛下勿憂今雖慢輸一陣大兵未折可回本國養蓄威銳再作區區單于曰然遂與諸部匈奴悉收回國至雁門關下過未將半忽聽砲響一聲外單于之膽關外漢兵齊出當頭爰延截住謂蠡曰叫汝單于答話谷蠡怒曰君出臣護將主兵行吾主大聖豈與小將答話延大怒提刀直取兩馬相交共戰二十合不分勝負背後張真伏兵又出兩下夾攻匈奴大敗單于見不能逃高聲叫曰漢可休兵吾願請降真遂欲罷谷蠡不服令卒搗鼓又戰二十合真見匈奴疲倦併力相攻谷蠡氣戰不及遂叫順降願保吾主之命張真大喜即令罷兵願謂單于王曰汝若早自省察不至傷民損卒奈何執乎遂令合兵入關安歇有西湖論曰漢初遭冒頓凶黠種眾強熾高祖威加四海而窘平城之圍太宗政鄰刑措不雪憤辱之恥逮孝武興邊略有志匈奴赫然命將戎旗星屬侯列郊畿火通甘泉而猶鳴鏑揚塵入畿內至於窮竭武力殫用天財歷紀歲以攘之寇雖頗折而漢之疲耗略相當矣宣帝值虜庭分爭呼韓邪來臣乃權納懷柔因為邊衛罷關徼之警息兵民之勞龍駕帝服鳴鐘傳鼓於清渭之下南面而朝單于朔易無復匹馬之蹤六十餘年矣後王莽陵篡擾動戎夷續以更始之亂方夏幅裂自是單于得志狼心復生乘間侵佚害流傍境及中興之初更通舊好報命連屬金幣載道而單于驕倨益橫內暴滋深世祖以用事諸華未遑沙漠之外忍愧思難徒報謝而已因徙幽并之民增邊屯之卒及關東稍定隴蜀已清其猛夫悍將莫不頓足攘手爭言衛霍之事帝方厭兵間修文政未之許也其後匈奴爭立日逐來奔願修呼韓之好以禦北狄之衝奉藩稱臣永為外扞天子總覽羣策和而納焉乃詔有司開北鄙擇肥美之地量水草以處之馳中郎之使盡法度以臨之制衣裳備文物加璽綬之綬正單于之名於是匈奴分破始有南北二庭焉仇讐既深互伺便隙控弦抗戈規望風塵雲屯鳥散更相馳突至於陷潰創傷者靡歲或甯而漢之塞地晏然矣後亦頗為出師并兵窮討命實憲

耿夔之徒前後並進皆用果譎設奇異道同會究掩其窟穴躡北追奔三千餘里遂破龍祠焚闕幕枕十角枯閔氏銘功封石倡呼而還若因其時勢及其虛曠還南虜於陰山歸河西於內地上申光武權宜之略下防戎羯亂華之變使耿國之算不謬於當世袁安之議見從於後王平易正直若此其弘也而竇憲矜三捷之效忽經世之規狼戾不端專行威惠送復更立北虜反其故庭並恩兩護以私已福棄茂天公坐樹大鯁永言前載何恨憤之深乎自後經綸失方叛服不一甚為疾毒胡可彈言降及後世習為常俗終於吞噬神鄉丘墟帝宅嗚呼千里之謬與於毫釐可鑿哉

第一百二十五回

李膺嚴肅振朝綱

次日與等班師威寒胡虜至京入朝見帝具奏前事帝大喜謂曰卿才若是猶勝先皇之鄧賈也遂加陞真為破虜大將軍兼領總部之職延為鎮殿將大軍兼督護之職二人謝恩真復奏曰匈奴單于不能統理國事左谷蠡主善于致治陛下可立谷蠡為主單于為王帝不從乃下詔遣還原職八年復拜李膺為司隸校尉時為小黃門讓弟張朔為野王令貪殘無道疾害小民畏膺威嚴勢重逃還京師匿於兄家合柱之中不出膺知其狀遂差軍卒往其府內搜捉眾軍領命即至讓府遍房尋覓並無縱影搜入後堂中見一堵厚壁乃曰此正合柱也遂探開視之朔果藏內拏出縛縛押送膺府膺謂之曰朝廷爵祿亦足榮矣何不守政治而恣暴貪殘勒措小民乎今日貪殘之夫公行無忌朔曰小官有罪願望大人恕過自是知政不敢再縱前非膺不聽令繫於獄受辭畢即殺之於是諸黃門常侍皆鞠躬屏氣休沐不敢出省帝知怪問其故並皆叩首泣曰畏李校尉也時朝廷綱紀日壞而膺獨持風裁以聲名自高士有被其容接者名為登龍門云帝初為蠡吾侯受學於甘陵周福至是陞福為尚書時同郡河南尹房植與福名震當朝鄉人為之謠曰天下規矩房伯武因師獲印周仲進二家賓客互相譏議遂各樹朋徒漸成尤隙由是

甘陵有南北部黨人之議自此始矣汝南太守宗資以范滂為功曹南陽太守成晉以岑暉為功曹皆委心聽任使之褒善糾違肅清朝府於是二郡為之謠曰汝南太守范孟博南陽宗資主書諾南陽太守岑公孝弘農成晉但坐滿太學諸生二萬餘人郭泰與潁川賈彪為友彪為其冠與李膺陳蕃王暢更相從重學中語曰天下模楷李元禮不畏強禦陳仲舉天下俊秀王叔茂使清議果足持世是妙事於是中外成風競以臧否相尚自公卿以下莫不畏其貶議徒復到門賈彪嘗為新息長小民貧困多不養子彪知乃嚴為其制與殺人同罪時城南有盜劫害人者北有婦人殺子者彪出按驗據吏欲引南彪怒曰賊冠害人此則常理母子相殘逆天違道遂驅車北行按致其罪城南賊聞之咸相驚畏更謂曰彪所怒者無非欲人為善豈有仇隙哉遂皆面縛自首彪大喜謂曰人之養子為先宗祀孟子曰不孝有三無後為大汝等不務本業專一好閑為遊而至於極且生子不養將後何為繼乎言罷令其各歸本業無復前非倘再不悛重罪不怨眾皆悅服叩首拜謝而退後數年間人養子者以千計皆曰此賈父之所生也便疑由是彪名唱聞天下

第一百二十六回

誣忠繫黨冤埋獄

是時帝知彪賢遣使齎金百兩緞足五十往勅勞之使者領命上馬而去卻說河南張成善風角占被李膺督捉收捕於獄一日推占一卦言當有赦乃教子殺人數日果赦成遂得免膺知愈發憤疾竟按殺之成在日素以方技交通宦官帝亦頗訊其占宦官恨膺殺其張成乃教張成弟之子牢上書告膺等養太學遊士交結諸郡生徒互相驅馳共為部黨誹訕朝廷疑亂風俗牢遂入朝見帝具依宦官所告帝大怒乃班詔下郡國逮捕黨人布告天下使同忿疾亦何罪而使三百餘人操生按經三付太尉陳蕃卻之曰今所按者皆海內人譽憂國忠公之臣此等猶將十世有也豈有罪名不章而致收掠者乎不聽其命帝

聞愈怒遂下膺等於黃門北寺獄其辭所連及杜密陳翔陳實范滂之徒二百餘人或逃逝不獲皆懸金購募復者四出相望陳實曰吾不就獄眾無所恃乃往殿自請下獄帝即繫之時范滂至獄獄吏謂曰凡坐繫者皆祭臯陶滂曰臯陶古之直臣知滂無罪將理之於帝如其有罪祭之何益眾人見滂之言皆遂止之後詩歎曰

中原王氣歇山河權臣當朝即墨阿朋黨豈知譏致禍英雄盡入網張羅 陳蕃考實聖而興於伊呂桀

紂杰膺等枉陷乃為上疏極諫以訟釋之疏曰 臣聞賢明之君妻心輔佐亡國之主諱聞直辭故湯武雖

迷惑亡在失人由此言之君為元首臣為股肱同體相須共成美惡者也為伏見前司隸校尉李膺太僕

杜密太尉掾范滂等正身無詬死心社稷以忠忤旨橫加拷按或禁錮閉隔或死徙非所徒塞天下之口

聾盲一世之人與秦焚書玩儒何以為異昔武王克殷表閭封墓今陛下臨政先誅忠賢遇善何薄待惡

何優夫譏人似實巧言如簧使聽之者惑視之者昏決吉凶之效存乎識善成敗之機在於察言人君者

攝天地之政秉四海之維舉動不可以違聖法進退不可以離道規謬言出口則亂及八方何況無罪

於獄殺無辜於市乎昔禹巡狩蒼梧見市殺人下車而哭之曰萬方有罪在予一人故其興也勃焉又青

徐炎早五穀損傷民物流遷如救不足而宮女績於房掖國用盡於羅紈外戚私門貪財受賄所謂祿去

公室政在大夫昔春秋之末周德衰微數十年間無復災首者天所棄也天之於漢恨恨無已故慙慙示

變以悟陛下除妖去孽實在修德臣位列臺司憂責深重不敢尸祿惜生坐觀成敗如蒙採錄使身首分

裂異門而出所不恨也 帝覽表見言太過切直遂策免之不用時黨入獄所染逮者皆天下名賢度

遠將軍皇甫規見其朋黨皆無辜繫獄自思亦曾舉薦以為西川豪傑恥不得與次日入朝見帝奏曰臣

前薦故大司農張奐是附黨也又臣昔論輸左校時太學生張鳳等上書訟臣是為黨人所附也臣宜坐

之帝見其直知而不問陳蕃既受策免滿朝公卿心寒震慄莫敢復為黨人言者賈彪曰吾不西行大禍不解遂乘車入洛陽說城門校尉竇武及尚書霍諝等使出訟之既至使人入報竇武急出迎接挽手並行至後堂施禮分序而坐二人話畢閒別之情問彪曰先生此來必有奇幹彪曰愚聞朝廷信任權宦將太學朋黨及忠直之臣無辜繫獄若此者國政愈頹而朝綱日息尚何見治耶今大人國之棟梁帝之羽翼大人不為訟釋使皆抱恨黃泉而塞絕忠言之路矣武曰吾亦有是意奈帝初懷忿恨不可愈觸其怒俟略散息而進則言亦聽從而枉可釋也彪曰大人所言極當遂拜辭出府武親送相別而去彪又至尚書府謁見霍諝且將前事所告諝亦如之彪遂別回府去次日竇武入朝上疏訟釋其枉疏曰臣聞士有忍死之辱必有就事之計故李布屈節於朱家管仲錯行於召忽此二臣以可死而不死者非愛身於須臾貪命于苟活隱其智力顧其權略庶幸逢時有所為耳卒遭高帝之成業齊桓之興伯遣其逃亡之行赦其射鉤之仇勳效傳於百世君臣載於篇籍假令二主紀過於纖几則此二臣同死於犬馬沉名於溝壑當何由得申其補過之功乎陛下即位以來未聞善政近者奸臣張牢造設黨議取信陛下遂收前司隸校尉李膺等逮考連及數百餘人曠年拘錄事無數驗臣竊見膺等誠陛下稷禹伊呂之佐而虛為奸臣賊子之所誣枉願陛下留神澄省無遺須臾之恩令膺等有持忠入地之恨矣帝覽奏及霍諝之書怒意稍釋使中常侍王甫下獄考辨甫即就獄見范滂等皆拔枷肘手鎖腳暴于階下王甫以次辨詰曰君等更相拔舉迭為辱恥如何滂曰仲尼有言見善如不及見不善如探湯滂欲使善善同其清惡惡同其汙謂王政之所願聞不悟更以為黨古之修善自求多福今之修善身陷大戮身死之日願埋滂於首陽山側上不負皇天下不愧夷齊甫聞甚於愆之頓為改容乃並解桎梏後士詩讚滂曰耿耿忠心鐵石堅稜稜義氣雪霜嚴英雄輔國能如是今古何人不仰瞻是日王甫入朝復奏俱為解釋膺等悉

入謝恩宦官懼乃託辭請帝以天時宜赦帝准其奏六月大赦天下改元黨二百餘人放歸田里書名三府禁錮終身次早范滂往見霍諝揖而不謝或讓之曰滂何無禮霍諝為汝上書乃得赦罪今何不謝赦殺之恩乎滂曰昔叔向不見祁奚吾何謝焉滂遂南歸汝南南陽士大夫迎之者車數千輛鄉人殷陶黃穆侍衛於滂應對賓客滂謂陶等曰今子相隨是重吾禍也遂辭還鄉里卻說李文德以膺等俱釋枉罪賢士大夫罷歸鄉里而朝廷無佐乃思友人廷篤善與相交顧曰叔堅有王佐之才奈何屈千里之足乎欲薦引之為聞乃脩書急上文德書曰夫道之將廢命也流聞乃欲相與求還東觀來命雖為所未敢當吾嘗味爽櫛梳坐於客堂朝則誦義文之易虞夏之書歷公旦之典禮覽仲尼之春秋夕則逍遙內階詠詩南軒百家眾氏投閒而作洋洋乎其盈耳也煥爛兮其溢目也紛紛欣欣兮其獨樂也當此之時不知天之為蓋地之為輿不知世之有人己之有軀也漸離擊筑旁若無人高鳳讀書不知暴雨方之於吾未足况也且吾自束髮以來為人臣不陷於不忠為人子不陷於不孝上交不諂下交不瀆從此而致下見先君遠祖可不慙赧如此而以不善上者恐如教羿射者也慎勿迷其本素其生也文德覽書見其志在避名懼於辱也嘆曰非智者能如是乎言罷自吟一律以述往情詩曰幾多閨士拜金鑿盡中奸雄百舌端繫獄含愁冤氣重殞身抱恨雨聲寒山河漸折劉風境天地難移我志肝再入麒麟班振肅史書青節萬年者吟罷陞堂理政肅紀綱由是朝廷莫不仰望初詔下舉鈞黨合郡國所災相連及者多至百數惟平原相史弼獨無所上帝怒乃命中郎責曰詔書疾惡黨人旨意懇切之甚青州六郡其五有黨平原何治而得獨無弼曰先王疆理天下畫界分境水土異齊風俗不同五郡自有平原自無胡可相比若承奉上司誣陷良善淫刑濫罰以逞非理則平原之人戶可為黨相有死而已所不能也中郎見其所言默然無答返京奏于帝方釋其過十二年丁丑帝崩竇太后臨朝與城門校尉竇武定策禁中

迎河間孝王曾孫宏立之時年十二歲是為孝靈皇帝名宏字曰大肅宗玄孫解濟亭侯長之子也桓帝無子竇太后立之在位二十二年而崩壽三十四葬於文陵山按謚法亂而不損曰靈改年號曰建寧元年至六年又改光和元年至三年又改中平元年太子協即皇帝位是為孝獻皇帝名協字曰臺董卓廢皇太后而立之在位三十一年曹丕篡位廢帝為山陽公壽五十四而崩葬於禪陵山按謚法聰明睿智曰獻改年號曰初平元年按東漢及此是為一十二帝靈帝即位之初三國傳於是編起二帝之事俱備其傳今但略集其名餘悉不載

東漢十二帝之名總具于後

世祖光武皇帝名秀字文叔在位三十三年而崩壽六十二歲葬於原陵山

顯宗孝明皇帝名莊字曰嚴在位十八年而崩壽四十八歲葬於節陵山

肅宗孝章皇帝名烜字曰著在位十三年而崩壽三十一歲葬於敬陵山

孝和皇帝名肇字曰始在位十七年而崩壽二十七歲葬於慎陵山

孝殤皇帝名陰字曰盛生近百日即位一年而崩壽二歲葬於康陵山

孝安皇帝名祐字曰福在位一十九年而崩壽三十四歲葬於永陵山

孝順皇帝名保字曰守在位一十九年而崩壽三十一歲葬於順陵山

孝衝皇帝名炳字曰明在位一年而崩壽七歲葬於懷陵山

孝質皇帝名續字曰繼在位一年為梁冀所弑而崩壽九歲葬於靜陵山

孝桓皇帝名志字曰惠在位二十一年而崩壽三十六歲葬於宣陵山

孝靈皇帝名宏字曰大在位三十二年而崩壽二十四歲葬於文陵山

孝獻皇帝名協字曰台在位三十一年曹丕篡位廢壽五十四歲而崩葬於禪陵山

總評

東漢雖稱十有二帝而肅和而下政教漸衰殤安而下壽年不永周公曰自時以後厥王生則逸生則逸亦罔或克壽不我欺也後之覽者其有感於斯文

